

潛夫論箋

一

卷一：讚學、務本、過利、論

卷二：明闇、考績、思賢、本



潜

木

論

笈

十

卷

王序

潛夫論三十五篇行世本譌奪錯簡。芴如散絲。范史所載僅五篇。又經蔚宗刪改。元和姓纂。太平御覽。路史諸書。每有徵引。淮別滋多。唐宋以來。久無善本。求是去非。蓋其難也。昔者吾友汪主事。因可績學超奇。通心而敏。會萃舊刻。網羅佚聞。宏邕雅言。審定文讀。草創於嘉慶己巳。庚午閒。時紹蘭讀禮家居。晨夕化我耳剝。緒言頗詳。辛未服闋。握手河梁。方諄諄以鹽鐵論託其校勘。答言繡就是書。續行屬草。鄭重而別。江關閒關。忽忽者七八年。紹蘭奉職無狀。罷官歸。而因可墓有宿草。鍵戶省愆。故人長往。庭蒿門雀。不復聞空谷足音矣。一日陳子棟爲告。以因可書久放。已爲代謀剗剗。因眎之書。而屬之敘。受而讀之。彌悲。因

可豐於學。嗇於年。又喜其能以書自延其年。東爲愛。因可莫能助之年。而能行其書以延其年。是可貴也。它日徧讀之。歎其解謬。達信傳信。闕疑博訪。通人致精極覈。且能規節信之過。而理董之。自僂曰箋。宗鄭申毛之義。意在斯乎。惟采及芻言。是謂狐裘羔襲。卽如斷訟篇。誅率公。羊隱五年。衛師入盛。傳君將不言率師。書其重者也。何休注云。分別之者。責元率。當時未舉以相告。又如志氏姓篇。某疑是裴。尙有風俗通裴氏伯益之後見後漢書桓帝紀注。亦未引證。則紹蘭之疏略可知。今索居多暇。溫尋舊文。又得如千條。要皆譏說。調言無裨。百一丸原不作。質正末由。紹蘭竊自惟質鈍。學荒罕。問揚雄奇字之亭。莫窺蔡邕異書之帳。又無西州漆簡之授。徒諷南閣篆文之遺。深慕禮堂寫

定之勤。殊媿任城墨守之陋。是以瑟縮經年。不能下筆。東爲敦迫不已。重其嗜古籍。竺故交。迺略書原委。附錄鄙說於後。勉副盛心焉。嘉慶己卯秋七月。王紹蘭序。

浮侈篇於彈外不可以禦寇。內不足以禁鼠。於當爲其太。平。御覽兵部引作其彈外不可禦盜。內不足禁鼠。

校飾車馬多畜奴婢。鹽鐵論散不足篇。今富者連車列騎。

驂貳輜駟中者微輿短轂。煩尾掌蹄。夫一馬伏櫪。當中家六口之食。亡丁男一人之事。又云。今庶人富者。銀黃華瑤。結綬韜杠中者。錯鑣塗采。珥靳飛輪。又云。今縣官多畜奴婢。坐粟衣食。私作產業。爲姦利。百姓無斗筲之儲。官奴累百金。黎民昏晨不釋事。奴婢垂拱放游也。此車馬奴婢浮侈之證。

卷之五

詩中亦有以不而而集之文

口之食力下良一人之

怒友

外

平

四

王

文

大

自序

王符潛夫論行於今者有明程榮本何鏗本何本出於程不爲異同別有舊本與白虎通德論風俗通義合刻風俗通義卷首題云大德新刊三書出於同時蓋元刻也元刻文字視程本爲勝邊議巫列相列夢列釋難諸篇簡編脫亂不如程本其務本過利慎微交際明忠本訓德化志氏姓諸篇各本脫亂並同以意屬讀得其端緒因復是正文字疏證事辭依採經書爲之箋注謹案王氏精習經術而達於當世之務其言用人行政諸大端皆按切時勢令今可行不爲卓絕詭激之論其學折中孔子而復涉獵於申商刑名韓子雜說未爲醇儒然符以邊隅一縫掖閔俗陵替發憤增歎未能涉大廷與論議以感動人主又不

得典司治民以效其能獨蓄大道託之空言斯賈生所爲太息
次公以之略觀者已是本以元刻爲据其以別本及他書所引
改補者曰舊作某据某本某書改舊脫某据某本某書補其以
己意改補者止曰舊脫某舊作某采獲眾說各稱名以別之嘉
慶十有九年歲在甲戌三月汪繼培序

潛夫論目錄

第一卷

讚學第一

務本第二

過利第三

論榮第四

賢難第五

第二卷

明闇第六

考績第七

思賢第八

本政第九

潛歎第十

第三卷

忠貴第十一

浮侈第十二

慎微第十三

實貢第十四

第四卷

班祿第十五

述赦第十六

三式第十七

愛日第十八

第五卷

斷訟第十九

衰制第二十

勸將第二十一

救邊第二十二

邊議第二十三

實邊第二十四

第六卷

卜列第二十五

巫列第二十六

相列第二十七

第七卷

夢列第二十八

釋難第二十九

第八卷

交際第三十

明忠第三十一

本訓第三十二

德化第三十三

五德志第三十四

第九卷

志氏姓第三十五

第十卷

敘錄第三十六

王序

潛夫論三十五篇行世本譌奪錯簡。芴如散絲。范史所載僅五篇。又經蔚宗刪改。元和姓纂。太平御覽。路史。諸書。每有徵引。淮別滋多。唐宋以來。久無善本。求是去非。蓋其難也。昔者吾友汪主事。因可。績學超奇。通心而敏。會萃舊刻。網羅佚聞。宏邕雅言。審定文讀。草創於嘉慶己巳。庚午閒。時紹蘭讀禮。家居晨夕。化我耳剝。緒言頗詳。辛未服闋。握手河梁。方諄諄以鹽鐵論託其校勘。答言繡就是書。續行屬草。鄭重而別。江關閒關。忽忽者七年。紹蘭奉職無狀。罷官歸。而因可墓有宿草。鍵戶省愆。故人長往。庭蒿門雀。不復聞空谷足音矣。一日陳子棟爲告。以因可書久放。已爲代謀剗剗。因眎之書。而屬之敘。受而讀之。彌悲。因

可豐於學。嗇於年。又喜其能以書自延其年。東爲愛。因可莫能助之年。而能行其書。以延其年。是可貴也。它日徧讀之。歎其解謬。達指傳信。闕疑博訪。通人致精。極覈且能規節信之過。而理董之自僞。曰箋宗。鄭申毛之義。意在斯乎。惟采及芻言。是謂狐裘羔襲。卽如斷訟篇。誅率公。羊隱五年。衛師入盛。傳君將不言率師。書其重者也。何休注云。分別之者。責元率。當時未舉以相告。又如志氏姓篇。某疑是裴。尙有風俗通。裴氏伯益之後。見後漢書桓帝紀。注亦未引證。則紹蘭之疏略可知。今索居多暇。溫尋舊文。又得如千條。要皆譏說。調言無裨。百一丸原不作。質正末由。紹蘭竊自惟質鈍。學荒罕。問揚雄奇字之亭。莫窺蔡邕異書之帳。又無西州漆簡之授。徒諷南閣篆文之遺。深慕禮堂寫

定之勤。殊媿任城墨守之陋。是以瑟縮經年。不能下筆。東爲敦迫不已。重其嗜古籍。竺故交。迺略書原委。附錄鄙說於後。勉副盛心焉。嘉慶己卯秋七月。王紹蘭序。

浮侈篇於彈外不可以禦寇。內不足以禁鼠。於當爲其太。平。御覽兵部引作其彈外不可禦盜。內不足禁鼠。

校飾車馬多畜奴婢。鹽鐵論散不足篇。今富者連車列騎。

驂貳輜輶中者微輿短轂。煩尾掌蹄。夫一馬伏櫪。當中家六口之食。亡丁男一人之事。又云。今庶人富者。銀黃華瑤。結綬韜杠中者。錯鑣塗采。珥靳飛輪。又云。今縣官多畜奴婢。坐粟衣食。私作產業。爲姦利。百姓無斗筲之儲。官奴累百金。黎民昏晨不釋事。奴婢垂拱放游也。此車馬奴婢浮侈之證。

卷之五

...

...

...

...

...

...

...

...

...

自序

王符潛夫論行於今者有明程榮本何鏗本何本出於程不爲異同別有舊本與白虎通德論風俗通義合刻風俗通義卷首題云大德新刊三書出於同時蓋元刻也元刻文字視程本爲勝邊議巫列相列夢列釋難諸篇簡編脫亂不如程本其務本過利慎微交際明忠本訓德化志氏姓諸篇各本脫亂並同以意屬讀得其端緒因復是正文字疏證事辭依採經書爲之箋注謹案王氏精習經術而達於當世之務其言用人行政諸大端皆按切時勢令今可行不爲卓絕詭激之論其學折中孔子而復涉獵於申商刑名韓子雜說未爲醇儒然符以邊隅一縫掖閔俗陵替發憤增歎未能涉大廷與論議以感動人主又不

得典司治民以效其能獨蓄大道託之空言斯賈生所爲太息
次公以之略觀者已是本以元刻爲据其以別本及他書所引
改補者曰舊作某据某本某書改舊脫某据某本某書補其以
己意改補者止曰舊脫某舊作某采獲眾說各稱名以別之嘉
慶十有九年歲在甲戌三月汪繼培序

潛夫論目錄

第一卷

讚學第一

務本第二

過利第三

論榮第四

賢難第五

第二卷

明闇第六

考績第七

思賢第八

本政第九

潛歎第十

第三卷

忠貴第十一

浮侈第十二

慎微第十三

實貢第十四

第四卷

班祿第十五

述赦第十六

三式第十七

愛日第十八

第五卷

斷訟第十九

衰制第二十

勸將第二十一

救邊第二十二

邊議第二十三

實邊第二十四

第六卷

卜列第二十五

巫列第二十六

相列第二十七

第七卷

夢列第二十八

釋難第二十九

第八卷

交際第三十

明忠第三十一

本訓第三十二

德化第三十三

五德志第三十四

第九卷

志氏姓第三十五

第十卷

敘錄第三十六

卷之三十六

卷之三十六

卷之三十六

潛夫論卷第一

蕭山汪繼培因可箋

讚學第一

天地之所貴者人也

孝經子曰天地之性人為貴春秋繁露人副天數篇云天地之精所以生物者莫貴

於人荀子王制篇云水火有氣而無生草木有生而無知禽獸有知而無義人有氣有生有知亦且有義故最為天下貴也

聖人之所尚者義也

論語子曰君子義以為上尚與上通

德義之所成者智也明

智之所求者學問也

漢書董仲舒傳云彊勉學問則聞見博而知益明知與智通

雖有至聖

不生而知

論語子曰我非生而知之者好古敏以求之者也

雖有至材不生而能

說死建本

篇子思曰學所以益才也

故志曰黃帝師風后

史記五帝紀云黃帝舉風后

顓頊師老彭

帝嚳師祝融

鄭語史伯曰黎為高辛氏火正以淳耀敦大天明地德光照四海故命之曰祝融韋昭注高辛帝嚳

黎顓頊之後也

堯師務成

白虎通辟雍篇云帝堯師務成子按荀子大略篇云堯學於君疇舜學於務成昭新序雜

事五又作 舜師紀后禹師墨如 盧學士文弼云墨如疑是墨台 繼培按路史後紀四云禹有天

務成跗 下封怡以紹烈山是為默台區名紀一云 湯師伊尹 呂氏春秋 尊師篇云 怡一日默怡即墨台禹師墨如或云墨台

湯師小臣高誘注小臣謂 文武師姜尙 呂氏春秋云文王 師伊尹白虎通云湯師伊尹 師呂望白虎通云文王

師呂望武王師尙父史記齊世家云太公 周公師庶秀孔子師

望呂尙者本姓姜氏從其封姓故曰呂尙

老聃 白虎通云孔 子師老聃 若此言之而信則人不可以不就師矣 昭十 九年

穀梁傳云羈貫成童 不就師傳父之罪也 夫此十一君者皆上聖也猶待學問其智

乃博其德乃碩 博碩韻淮南子秦族訓云人莫不知學之有益 于己也然而不能者嬉戲害人也人皆多以無

用害有用故智不博而日不足詩簡 而況於凡人乎 呂氏春秋 云此十聖

兮云碩人僕僕毛傳碩人大德也 無尊師奚由至哉新序云此十一聖人未遭此師則功業不著

乎天下名號不傳乎千世 是故工欲善其事必先利其器 論語 此言十一君名與新序同 士

欲宣其義必先讀其書 舊作智据魏徵羣書治要改孟子云 誦其詩讀其書說文云讀誦書也 易

曰君子以多志前言往行以畜其德

大畜象詞志王弼本作識釋文云劉作志按周禮保

章氏鄭康成注云志古文識

是以人之有學也猶物之有治也

韓詩外傳二云玉不琢不

成器人不學不成行家有千金之玉不知治猶之貧也良工宰之則富及子孫君子學之則為國用

故夏后之璜

定四年左傳云分魯公以夏后氏之璜淮南子精神訓云有夏后氏之璜者匣匱而藏之寶之至也

楚和之璧

非子理其璞而得寶焉遂命曰和氏之璧

雖有玉璞卞和之資

史記鄒陽傳云卞和獻寶

不琢不錯

說文云厝厲石也經典多假借用錯

不離礫石

楚辭惜誓云相與貴

夫礫石王逸注小石為礫

夫瑚簋之器

哀十一年左傳云胡簋之事杜注胡簋禮器名夏日胡周曰簋按禮記明

堂位云殷之六瑚周之八簋

朝祭之服其始也乃山野之木蠶繭之絲耳

禮記

月令云蠶事既登分繭稱絲效功以其郊廟之服說文云繭蠶衣也絲蠶所吐也

使巧倕

山海經海內經云義均是

始為巧倕是始作下民百巧書堯典作垂

加繩墨而制之以斤斧女工加五色而制

之以機杼則皆成宗廟之器黼黻之章

鹽鐵論殊路篇云孔子曰觚不觚觚哉觚哉故

人事加則為宗廟器淮南子說林訓云黼黻之美在于杼軸羣書治要載尸子勸學篇云夫廟舍而不治則腐蠹而棄使女工纁之以為美錦大君服而朝之可羞於鬼神可御於王公羞舊作著据治要改

于王公可薦于鬼神而況君子敦貞之質察敏之才大戴禮五帝德云長而敦敏攝之

以良朋詩既醉云朋友攸攝教之以明師漢書董仲舒傳云與太學置明師以養天

下之士文之以禮樂論語導之以詩書讚之以周易明之以春秋要治

讚上有幽字王先生宗炎云其不有濟乎有字舊脱据治要補程本作不有晉語晉

臣曰質將善而賢詩云題彼鵲鵲載飛載鳴我日斯邁而月斯

征夙興夜寐無忝爾所生小宛鵲鵲今作脊令是以君子終日乾乾進德

修業者揚乾文信非直為博己而已也淮南子精神訓高誘注直猶但也博己即論語言博我

蓋乃思述祖考之令問而以顯父母也孝經云立身行道揚名于後世以顯父母引大

雅云無念爾祖聿修厥德按毛傳云聿述孔子曰吾嘗終日不食終夜不寢以思無

益不如學也耕也餒在其中學也祿在其中矣君子憂道不憂

貧論語箕子陳六極書洪範國風歌北門詩衛風故所謂不憂貧也豈

好貧而弗之憂邪蓋志有所專昭其重也是故君子之求豐厚

也僖廿四年左傳非為嘉饌美服淫樂聲色也莊子至樂篇云

味美服好色音聲也乃將以底其道孫侍御志祖云底與致同而邁其德

也莊八年左傳夏書夫道成於學而藏於書學進於振而廢於

窮王侍郎紹蘭云振當作賑說文云賑富也是故董仲舒終身

不問家事見漢書凡史記兩漢書景君明經年不出戶庭漢書

字君明賢難篇考績篇並稱京房京房得銳精其學方言後劉子駿

年銳精以而顯昭其業者家富也富佚若彼而能勤精若此者

漢書董仲舒傳云蓋三年不窺園其精如此呂氏春秋博志篇云蓋聞孔子墨翟晝日諷誦習業夜親見文王周公旦而問焉

用志如此其精也
高誘注精微密也
才子也
文十八年左傳云有才子八人才與材通
倪寬賣力於都

巷
巷當作養漢書云倪寬詣博士受業貧無資用常為弟子都養顏師古注都凡眾也養主給烹炊者也一切經音義六引

蔡邕勸學注
匡衡自鬻於保徒者
漢書云匡衡好學家貧庸作以保資用按樂布傳云窮困

賣庸于齊為酒家保
孟康注保庸也可保信故謂之保
身貧也貧阨若彼而能進學若此

者秀士也
禮記王制云命鄉論秀士升之司徒
當世學士
漢書董仲舒傳云學士皆師尊之
恆以

萬計而究塗者
爾雅釋言云究窮也究塗言非半塗而廢也
無數十焉其故何也其

富者則以賄玷精貧者則以乏易計或以喪亂替其年歲
稽之疑

誤後漢書列女傳樂羊子妻曰稽廢時日
此其所以逮初喪功而及其童蒙者也
疑及

反之誤荀子不苟篇云獨行而不舍則濟矣濟而材盡長遷而不反其初則化矣楊倞注既濟則材性自盡長遷不反其初謂

中道不廢也
是故無董景之才倪匡之志而欲強捐身出家
先生云逮疑違

曠日師門者
鹽鐵論相刺篇云七十子之徒去父母捐室家負荷而隨孔子漢書酷吏傳鄧都曰已背親而出身

固當奉職韓信傳云曠日持久後漢書桓榮傳顯宗報書云去家慕鄉求謝師門必無幾矣幾讀為冀韓非子姦

劫弑臣篇云負千鈞之重陷於不測之淵而求生也必不幾矣夫此四子者耳目聰明忠信廉

勇未必無儔也爾雅釋詁云仇匹也儔為仇之假借而其成名立績韓非子功名篇云明

君之所以立功成名者四爾雅釋詁云績功也德音令問不已詩南山有臺云德音不已文王云令問不已釋

文聞音問漢北海淳于長夏承碑作令問不已而有所以然夫何故哉漢書賈誼傳云

之徒以其能自託於先聖之典經禮記文王世子云凡始立學者必釋奠於先聖先師漢書

蔡義傳云竊以聞道於先師自託於經術也後漢書胡廣傳云稽之典經結心於夫子之遺訓也禮

祭義云結諸心周語云必問於遺訓是故造父疾趨百步而廢自舊作而何本改作使並誤託

乘輿孟子云今乘輿已駕矣坐致千里水師泛軸周語云水師監濯韋昭注水師掌水軸當作舳

謂舳艦也說文云漢律名船方長為舳艦王先生云軸車軸所以持輪者也解維則溺方言云維之謂之鼎郭注

繫船為維自託舟楫坐濟江河是故君子者性非絕世善自託於物

也荀子勸學篇云假輿馬者非利足也而致千里假舟楫者非能水也而絕江河君子生非異也善假於物也大戴禮勸學篇生作性韓非子姦劫弑臣篇云託於犀車良馬之上則可以陸犯阪阻之患乘舟之安持楫之利則可以永絕江河之難此託字所本

人之情性未能相百而其明智有相萬也此非其真性之

材也必有假以致之也

韓詩外傳四云人同材鈞而貴賤相萬者盡心致志也說苑建本篇云質性同

倫而學問者智

君子之性未必盡照

史記李斯傳云陛下富於春秋未必盡通諸事徐廣曰通或宜作照

及學也聰明無蔽心智無滯前紀帝王顧定百世

荀子儒效篇云鄉也效門

室之辨混然曾不能決也俄而原仁義分是非圖回天下於掌上而辨白黑豈不愚而知矣哉不苟篇云君子審後王之道而論於百王之前若端拜而議此則道之明也而君子能假之以自彰爾夫是

故道之於心也猶火之於人目也

墨子經說下篇云智以目見而目以火見

中窅深

室幽黑無見及設盛燭則百物彰矣

禮記仲尼燕居云譬如終夜有求於幽室之中非燭

何此則火之也非目之光也而目假之則爲已明矣

舊脫已字依下

文例 天地之道神明之爲易繫辭下傳云陰陽合德而剛柔有體以體天地之撰以通神明之德

不可見也學問聖典心思道術荀子哀公篇孔子曰所謂士者雖不能盡道術必有率也禮記

鄉飲酒義云古之學術道者將以得身也鄭注術猶藝也則皆來觀矣此則道之材也非心

之明也而人假之則爲已知矣是故索物於夜室者莫良於火

管子君臣上篇云猶夜有求而得火也索道於當世者莫良於典御覽典者經也

六百八引釋名云先聖之所制先聖得道之精者以行其身欲

賢人自勉以入於道故聖人之制經以遺後賢也漢書翼奉傳云臣聞之於

師曰天地設位懸日月布星辰分陰陽定四時列五行以視聖人名之曰道聖人見道然後知王治之象故畫州土建君臣立

律歷陳成敗以視賢者名之曰經賢者見經然後知人道之務則詩書易春秋禮樂是也譬猶巧倅之爲規

矩準繩以遺後工也事物紀原七引尸子曰古者倅爲規矩準繩使天下倅焉昔倅之巧目

茂圓方茂當作成禮記仲尼燕居云目巧之室鄭注目巧謂但用巧目善意作室不由法度韓非子有度篇云巧匠目

意中繩皆目成圓方之意心定平直又造規繩矩墨以誨後人試使奚仲公

班之徒定元年左傳云奚仲居薛以為夏車正公班即禮記檀弓公輸般釋此四度而倅倅自

制必不能也淮南子修務訓云無規矩雖奚仲不能以定方圓無準繩雖魯般不能以定曲直凡工妄

匠口規秉矩空格程本作執蓋以意補之他皆倅此錯準引繩說文云措置也經典多假借用錯

則巧同於倅也韓非子用人篇云去規矩而妄意度奚仲不能成一輪廢尺寸而差短長王爾不能半中掛匠

守規矩尺寸則萬不失矣是故倅以其心來制規矩舊脫故字其字依下文例補後工以

規矩以上五字舊脫盧學士補往合倅心也故度之工度上脫一字王先生云疑脫信字孟子云

工不信度幾於倅矣王先生云幾上疑脫巧字先聖之智心達神明性直道德又

造經典漢書孫寶傳云著於經典以遺後人試使賢人君子釋於學問抱質

而行淮南子繆稱訓云懷情抱質必弗具也及使從師就學按經而行後漢書班彪後固傳云俯按經典按與案通依也聰達之明德義之理亦庶

彪後固傳云東都賦云案六經而校德李固傳云俯按經典按與案通依也聰達之明德義之理亦庶

三三三三三

2

六年十月七日

富民 正學

矣是故聖人以其心來造經典造程本後人以經典以土五

合聖心也舊脫也字依上文例補故修經之賢漢書儒林傳序云諸儒始得修其經學德近

於聖矣詩云高山仰止景行行止傳日就月將學有緝熙於光

明敬是故凡欲顯勳績揚光烈者書立政云以觀文王之耿光

傳班婕妤賦云揚光烈之翁赫兮莫良於學矣

務本第二

凡為治之大體治舊作人据治要改北堂書鈔卅九引亦作治韓非子有大體篇漢書鼂錯傳云明於國家之

大莫善於抑末而務本莫不善於離本而飾末呂氏春秋孝行覽云凡為天下

治國家必務夫為國者以富民為本管子治國篇云凡治國之道必先富國民富則易治

也民貧則以正學為禮記學記云古之王者建國君民教學難治也為先史記儒林傳轅固曰公孫子務正

學以言無曲學以阿論語冉有曰既富矣又何加世空格程本作基民富乃可教馬子曰教之說苑建本篇河

不言富民
富民

百工
2

間獻王曰管子稱倉廩實知禮節衣食足知榮辱夫穀者國家所以昌熾士女所以姣好禮義所以行而人心所以安也尚書五福以富為始子貢問為政孔子曰富之既富乃教之也此治國之本也漢書食貨志云食足貨通然後國實民富而教化成

學正乃得義民貧則背善鄧析子無厚篇云凡民有穿窬為盜者有詐偽相迷者此皆生於不足起

窮於貧學淫則詐偽呂氏春秋知度篇云至治之世其民不窮淫學流說高誘注不學正道為淫學入學

則不亂得義則忠孝故明君之法務此二者以為成太平之基

致休徵之祥禮記仲尼燕居云天下太平書洪範曰休徵漢書董仲舒傳云諸福之物可致之祥莫不畢至楚元

王傳劉向封事云百異消滅而眾祥並至太平之基萬世之利也藝文類聚五十二引此文祥作隆夫富民者以

農桑為本以游業為末管子五輔篇云明王之務在於強本事去無用然後民可使富治國篇云先王

知眾民強兵廣地富國之必生於粟也故禁末作止奇巧而利農事牧民篇云務五穀則食足養桑麻育六畜則民富漢書文

帝紀二年詔曰農天下之大本也民所恃以生也而民或不務本而事末故生不遂昭帝紀元平元年詔曰天下以農桑為本

百工者以致用為本易繫辭上傳云備物致用立成器以為天下利以巧飾為末周禮司市

商賈 3

教訓 1

辯論 2

列士 3

孝悌 4

人臣 5

凡市偽飾之禁在工者十有二胥師察其詐偽飾行債慝者鄭注云謂飾行債慝謂使人行賣惡物於市巧飾之令欺誑買者禮記月令云毋或作為淫巧鄭注淫巧謂偽飾不如法也商賈者以通貨為本周禮太宰九曰商賈阜以鬻奇為末類聚貨作乏奇作貨按漢書食貨志云通貨財鬻貨曰商三者守本

離末則民富離本守末則民貧貧則阨而忘善富則樂而可教

教訓者以道義為本以巧辯為末辭語者以信順為本以詭麗

為末漢書揚雄傳云諸子各以其知舛馳大氏詆訾聖人即為怪迂析辯詭辭以撓世事雖小辯終破大道而或眾王褒

傳云辭賦大者與古詩同義小者辯麗可喜列士者荀子大畧篇云子贛季路故鄆人也被文學服禮義為天下列

士風俗通論士云列士有不易之分見意林以孝悌為本論語云子貢問士子曰宗族稱孝焉鄉黨稱弟焉

以交遊為末禮記曲禮云交遊稱其信也孝悌者以致養為本禮記祭義曾子曰眾之本

教曰孝其以華觀為末孟子云非直為觀美也人臣者以忠正為本六韜盈虛

行曰養篇云吏忠正奉法者尊其位淮南子主術訓云人主貴正而尚忠忠正在上位執正營事則讒佞姦邪無由進矣以媚

富國

貧邦

德又
亂道

百工

愛為末

晉語云其臣競詔以求媚詩假樂云媚於天子鄭箋媚愛也

五者守本離末則仁義

興離本守末則道德崩

興崩

慎本畧末猶可也舍本務末則惡

矣夫用天之道分地之利

孝經

六畜生於時百物聚於野此富國

之本也

管子立政篇云桑麻植於野五穀宜其地六畜育於家瓜瓠葦菜百果備具國之富也

游業末事

以收民利

昭廿六年左傳云大夫不收公利後漢書朱暉傳云往來市珍寶收采其利

此貧邦之原

也

兩也字並據治要補

忠信謹慎此德義之基也虛無譎詭此亂道之根

也故力田所以富國也

漢書文帝紀十二年詔曰力田為生之本也

今民去農桑赴

游業披采眾利聚之一門雖於私家有富然公計愈貧矣

管子治國

篇云民舍本事而事末作則田荒而國貧矣禁藏篇云民多私利者其國貧

百工者所使備器也

考工

記云審曲而執以飭五材以辨民器謂之百工

器以便事為善

鹽鐵論國病篇云器足以便事

以膠固

為上爾雅釋詁云膠固也今工好造彫琢之器

漢書王吉傳云古者工不造瑀琢商不通侈靡彫琢

商賈

義與瑇瑁同淮南子齊俗訓云車輿極於雕琢器用逐於刻鏤漢書禮樂志云

桑間濮上鄭衛趙宋之聲並出巧偽因而飾之以營亂富貴之耳目庶人以求利列國以相聞巧偽飾之治要作偽飾之巧其

義亦通見上以雖於姦工有利而國界愈病矣商賈者所以通

物也以上二十字舊脫据治要補界當依上下文作計計界聲相近漢書地理志琅邪郡計斤顏師古注即春秋左傳所謂介根也語音有輕重此其比也白虎通商賈篇云商之為言

商也商其遠近度其有亡通四方之物故謂之商也賈之為言

固也固其有用之物以待民來以求其利者也物以任用為要以堅牢為資禮記月令

效功必功致為上淮南子時則訓作堅致為上高誘注堅致功牢也鹽鐵論力耕篇云工致牢而不偽今商競鬻

無用之貨尚書大傳云聖人在位其商不通無用之物淫侈之弊淫下舊有極字即注之駁文据治要

剛以惑民取產雖於淫商有得然國計愈失矣後漢書桓譚傳注引東觀漢記

載譚言云賈人多通侈靡之物羅紈綺繡雜綵玩好以淫人耳目而竭盡其財是為下樹奢媒而置貧本也求人之儉約富足

何可得乎齊策云為國計此三者外雖有勤力富家之私名漢書

者過矣高誘注過誤失也

高帝紀云不能治產業不如仲力服虔曰力勤力也疏廣傳云令子孫勤力其中易家人六四富家大吉然內有損

民貧國之公實治要作費故為政者明督工商勿使淫偽困辱游業

勿使擅利史記平準書云高祖令賈人不寬假本農而寵遂學

士晉語云通商寬農漢書翟方進傳云可少寬假使遂其功名此以寬假寵遂連言蓋即本於彼則民富而國

平矣夫教訓者所以遂道術而崇德義也今學問之士好語虛

無之事漢書揚雄傳贊桓譚曰昔老聃著虛無之言兩篇薄仁義非禮學然後世好之者尚以為過於五經爭著

彫麗之文後漢書樊宏後準傳云儒者競論浮麗以求見異於世品人鮮識品人猶言

眾人晏子春秋外篇云今品人飾禮煩事羨樂淫民崇死以害生三者聖王之所禁也論衡量知篇云人未學問從而高之此傷道

德之實而或矇夫之大者也日矇或與惑通程本作惑詩賦者

所以頌善醜之德周禮太師鄭注頌之為言誦也容也洩哀樂之情也故溫雅以

廣文漢書揚雄傳云司馬相如作賦甚弘麗溫雅興喻以盡意周禮太師注興見今之美嫌於媚故取善

事以喻

勸之 今賦頌之徒苟為饒辯屈蹇之辭

饒疑撓之誤淮南子齊俗訓云詆文者處

煩撓以為慧爭為

佹辯久稽而不訣 競陳誣罔無然之事以索見怪於世愚夫

士

說文云憇愚也淮南子汜論訓云愚夫憇婦高誘注憇亦愚無知之貌憇與憇通

從而奇之此悖孩

童之思

說文云諄亂也或从心作悖孟子云孩提之童

而長不誠之言者也

韓非子難二云言語

辨聽之說不度於義者必不誠之言也史記高祖紀云人乃以嫗為不誠

盡孝悌於父母正操行於

閨門

盡舊作內据治要改鹽鐵論孝養篇云閨門之內盡孝焉閨門之外盡悌焉

所以為列士也

舊

為字列作烈据治要補改

今多務交游以結黨助偷世竊名

世治要作勢按管子牧民篇云

偷取一世韓非子說使篇云巧言利辭行姦軌以佞偷世者數御世字似不誤

以取濟渡

濟渡以涉水為喻詩苑有

苦葉毛傳舟子舟人主濟渡

夸末之徒從而尚之此逼貞士之節

漢書匈奴傳贊云城

郭之固無以異於貞士之約王先生云逼疑違

而眩世俗之心者也

眩舊作銜据治要改淮南子原道訓

高誘注眩惑也

養生順志所以為孝也

禮記內則曾子曰孝子之養老也樂其心不違其志樂其耳目

安其寢處以其飲食忠養之孟子云曾子養曾皙必有酒肉將徹必請所與問有餘必曰有若曾子則可謂養志也今多

違志儉養約生以待終韓詩外傳一曾子曰窘其身而約其親者不可與語孝終沒之後

乃崇飭喪紀以言孝禮記月令云飭喪紀文王世子鄭注紀猶事也盛饗賓旅以求名

晉語云禮賓旅誣善之徒從而稱之此亂孝悌之眞行而誤後

生之痛者也鹽鐵論散不足篇云古者事生盡愛送死盡哀故聖人爲制節非虛加之今生不能致其愛敬死以

奢侈相高雖無哀戚之心而厚葬重幣者則稱以爲孝顯名立

於世光榮著於俗故黎民相慕效至於發屋賣業羣書治要載

崔寔政論云送終之家亦無法度至用樛梓黃腸多藏寶貨烹

牛作倡高墳大寢是可忍也孰不可忍而俗人多之咸曰健子

天下跋慕恥不相逮念親將終無以奉遣乃約其供養豫修亡

沒之備老親之飢寒以事淫佚之華稱竭家盡業甘心而不恨

後漢書趙咨傳云廢事生而榮終亡替所養忠正以事君信法

以理下所以居官也

魯語藏文仲曰居官者當事不避難

今多姦諛以取媚

昭七年左

傳云從政有所撓法以便佞

漢書酷吏甯成傳云所愛者撓法活之所憎者曲法滅之論語云友

便佞治要作舊脫徒字淮南子人間訓云忠臣事君苟得之徒也計功而受賞不爲苟得繆稱訓云小

人之從事也日苟史記秦始皇紀琅邪臺刻石辭云姦從而賢之此滅貞良之行邪臺刻石辭云姦

邪不容皆舊脫者字而舊脫開亂危之原者也舊脫者字五者外雖有振與

務貞良同賢才之虛譽管子明法解云羣臣以虛譽進其黨內有傷道德之至實凡此八

者皆衰世之務而闇君之所固也荀子王霸篇云闇君必將急逐樂而緩治國孔安國論語

注固雖未即於篡弒然亦亂道之漸來也夫本末消息之爭易

象曰與時消皆在於君非下民之所能移也夫民固隨君之好

息爭疑事管子法法篇云凡民從上也不從利以生者也臣聞道民之門

從口之所言從情之所好者也商子君臣篇云

在上所先故民可令農戰可令游宦可令學問在上所與上以

功勞與則民戰上以詩書與則民學問民之於利也若木於下

也四旁無擇也民徒可以得利而爲之者此下舊有是故務本

故君子日一段凡二百卅七字今考定入遇利篇論語云則雖虛偽之人皆歸本居末則雖篤敬之人行篤敬皆就末且

凍餒之所在民不得不去也溫飽之所在民不得不居也

論語云富

與貴是人之所欲也不以其道得之不處也貧與賤是人之所惡也不以其道得之不去也鹽鐵論衰賢篇論衡問孔篇刺孟篇高誘注呂氏春秋有度篇後漢書陳蕃傳處並作居漢書敘傳幽通賦云物有欲而不居兮亦有惡而不避用論語文抱朴子博喻篇亦云不以富貴不足居故衰闇之世本末之人未必賢不肖也禍其道則富貴不足居

福之所

下有脫字

勢不得無然爾故明君莅國

晏子春秋諫下云莅國子民

必崇

本抑末

鹽鐵論本議篇云王者崇本退末

以遏亂危之萌此誠治之危漸

當作治亂

之漸危亂字形相近又誤倒之字於上也

不可不察也

過利第三

世人之論也靡不貴廉讓而賤財利焉及其行也多釋廉甘利

之於人

文有脫誤王先生云疑是多釋廉而甘利釋舍通之於字衍人字屬下句

徒知彼之可以利

我也而不知我之得彼亦將為利人也

利人疑倒宣十四年左傳晏桓子曰貪必謀人

蚌、誤

謀人人知脂蠟之可明燈也說文云銓錠也徐鉉曰錠中而亦謀己知脂蠟之可明燈也置燭故謂之銓錠燈正俗字而不

知其甚多則冥之知利之可娛己也文有不知其稱而必有也脫誤

疑當作不知其積而必有禍也襄廿八年左傳晏子曰利前人過則為敗昭十年傳晏子謂桓子曰蘊利生孽皆此意也

以病後人以競僖七年左傳云諺有之曰心則不競何憚於病此用其文楚辭離騷云眾皆競進而貪婪兮

庶民之愚而衰闇之至也春秋繁露云民之皆趨利而不趨義也固其所闇也予故歎曰

何不察也願鑒於道勿鑒於水吳語申胥云王其盍亦鑒於人無鑒於水象以齒焚

身蜂以珠剖體襄廿四年左傳云象有齒以焚其身賄也淮南子說林訓云蠅象之病人之寶也高誘注蠅大

蛤中有珠象牙還以自疾故人得以為寶本經訓云撻蜂蜃高注撻猶闇也開以求珠也匹夫無辜懷璧其

罪桓十年左傳嗚呼問哉問疑無德而富貴者固可豫弔也貴者

二字舊空据程本補漢書景十三王傳贊云亡德而富貴謂之不幸且夫利物莫不天之財也莫

猶言莫非周語芮良夫曰夫利百物之所生也天地之所載也天之制此財也猶國君之有府

庫也賦賞奪與各有眾寡民豈得強取多哉故人有無德而

貴是凶民之竊官位盜府庫者也終必覺覺必誅矣盜人必誅

况乃盜天乎得無受禍焉漢書朱博傳云得無不宜顏師古注得無猶言無乃也鄧通死

無簪見史記倭幸傳勝跪伐其身跪當作詭公孫勝羊詭見史記梁孝王世家王先生云伐疑戕是故

天子不能違天富無功諸侯不能違帝厚私勸王先生云私勸疑是私敬非

違帝也非違天也帝以天為制天以民為心民之所欲天必從

之襄卅一年左傳太誓云民之所欲天必從之是故無功庸於民而求盈者未嘗不

力顛也周禮司勳國功曰功民功曰庸晉語穆子曰無功庸者不敢居高位王先生云力當作立周語高位實疾顛疾

顛即立顛也繼培按力蓋危字之壞管子宙合篇云高為其居危顛莫之救淮南子人間訓云天下有三危少德而多寵一危

也才下而位高二危也身無大功而受厚祿三危也呂氏春秋務大篇云嘗試觀於上忘三王之佐其名無不榮者其實無不

安者功大故也俗主之佐其欲名實也與三王之佐同其名無不辱者其實無不危者無功故也有勳德於民

而謙損者未嘗不光榮也

韓詩外傳八孔子曰天道虧盈而益謙地道變盈而流謙鬼神害盈而福

謙人道惡盈而好謙謙者抑事而損者也持盈之道抑而損之又云德行寬容而守之以恭者榮

自古於今上

以天子下至庶人

至舊作止据程木改禮記大學云自天子以至於庶人

蔑有好利而不

亡者好義而不彰者也

荀子榮辱篇云先義而後利者榮先利而後義者辱

昔周厲王好

專利

見周語

芮良夫諫而不入退賦桑柔之詩以諷

毛傳序云桑柔芮伯刺厲

王言是大風也必將有隧

舊作遂按班祿篇作隧與今詩同

是貪民也必將敗

其類王又不悟故遂流死於彘

周語

虞公屢求以失其國

桓十年左傳

公叔戌崇賄以為罪

定十三年左傳

桓魋不節飲食以見弑

哀十四年左傳云宋

桓魋之寵害於公公使夫人驟請享焉而將討之弑當為討工先生云公羊昭廿五年傳昭公謂子家駒曰季氏為無道僭於公室久矣吾欲弑之何如是上殺下亦可謂之弑也此皆以貨自亡用財自滅

老子云多藏必厚亡

楚語云積貨滋多蓄怨滋厚不亡何待

楚鬬子文三為令尹而有飢色妻子凍餒

朝不及夕

子文舊作文子楚語云鬬子文三舍令尹無一日之積楚策莫敖子華曰令尹子文朝不謀夕季文

子相四君馬不餼粟妾不衣帛

成十六年左傳云季孫於魯相二君矣妾不衣帛馬不食粟杜

注二君宣成襄五年季孫行父卒傳云季文子之忠於公室也相三君矣而無私積疏云行父以文六年見經則為卿久矣宣

八年仲遂卒後始文子得政故至今為相三君也此云四君蓋并文公數之

子罕歸玉襄十五年晏子

歸宅

昭三年左傳按宅與夕帛韻

此皆能乘利約身

老子云絕巧乘利吳語云身自約也漢書王莽

傳云克身自約論語云克己復禮為仁馬融注克己約身也皇侃疏云言能自約儉己身

故無怨於人禮記中庸

云正己而不求於人則無怨鄭注無怨人無怨之者也論語云放於利而行多怨

世厚天祿論語云天祿永終

令問不止

止疑

伯夷叔齊餓於首陽

論語

白駒

詩小雅

介推

信甘四年左傳

逖逃於山谷顏原公析

顏回原憲公析哀也史記游俠傳云季次原憲讀書懷獨行君子之德義不苟

合當世終身空室蓬戶褐衣疏食不厭死而已季次哀字也

因謹於郊野守志篤固

爾雅釋詁云篤

也固秉節不虧寵祿不能固威勢不能移

孟子云富貴不能淫貧賤不能移威武不能屈

固知回之誤回猶移也昭卅一年左傳云不爲利回逸周書官人解云深導以利而心不移或云固讀爲蠱文夫人之蠱惑也

雖有南面之尊

易說卦傳云聖人南面而聽天下

公侯之位德義有殆禮義不

班

班與辨通孟子云萬鍾則不辨禮義而受之

撓志如芷負心若芬

負當是熏易艮九三厲熏心馬

融注熏灼其心漢書路溫舒傳云虛美熏心按熏說文作𤇀𤇀負字形相近

固弗爲也是故雖有四

海之主弗能與之方名列國之君不能與之鈞重

荀子儒效篇云彼大儒者

雖隱於窮閭漏室無置錐之地而王公不能與之爭名禮記投壺鄭注鈞猶等也

守志於口

程本作一廬之

內而義溢乎九州之外信立乎千載之上而名傳乎百世之際

孟子云奮乎百世之上百世之下聞者莫不興起也

故君子曰

君字疑誤

財賄不多衣食不贍

聲色不妙威勢不行非君子之憂也行善不多申道不明節志

不立德義不彰君子恥焉是以賢人智士之於子孫也

呂氏春秋察微

篇云智士賢者

厲之以志弗厲以詐

詐字與下複何本作辭按三畧云厲之以辭

勸之以正

弗勸以詐示之以儉弗示以奢禮記檀弓曾子曰國奢則示之以儉貽之以言弗

貽以財說苑雜言篇晏子曰吾聞君子贈人以財不若以言是故董仲舒終身不問家事

而疎廣不遺賜金並見漢書疎漢書作疎廣韻六魚疏字注云

書東哲傳云漢太子太傅疎廣之後也王莽末廣曾孫孟達避難自東海徙居沙鹿山南因去疎之足遂改姓焉是漢時已以

疎為子孫若賢不待多富若其不賢則多以徵怨漢書疎廣傳云賢而多財

則損其志愚而多財則益其過且夫富者眾之怨也吾既亡以教化子孫不欲益其過而生怨昭卅二年左傳云無徵怨於百

姓杜注故曰無德而賄豐禍之胎也昔曹羈有言守天之聚必

施其德義德義弗施聚必有闕晉語僖負羈言於曹伯曰守天之聚將施於宜宜而不施聚必

有闕韋昭注宜義也今口程本作或家賑而貸乏爾雅釋言云賑富也遺賑貧窮恤矜疾

苦周禮大司徒以保息六安萬民三曰振窮四曰恤貧五日寬疾鄭注振窮拊揀天民之窮者也昭十四年左傳云分貧振

窮長孤幼養老疾杜注振救也振聲誤為賑漢書文帝紀元年詔曰其議所以振貸之顏師古注振起也諸振救振贍其義皆

同今流俗作字

從貝者非也

程本久

則必不口

居富矣

句有誤字說苑雜言篇孔子曰夫富而能富人

者欲貧而不可得也說叢

易曰天道虧盈以冲謙

謙彖詞以冲王弼本作而

益

故以仁義口於彼者天賞之於此

空格程本作費以仁義舊作仁以義按墨子天志中

云此仁也義也愛人利人順天之意得天之賞者也此文本之襄廿八年左傳叔孫穆子曰善人富謂之賞

以邪取

於前者衰之於後是以持盈之道挹而損之

見上挹與抑同

則亦

善作不

可以免於亢龍之悔乾坤之愆矣

乾上九亢龍有悔象曰亢龍有悔盈不可久也故君子曰

至此舊錯入務本篇今移正

論榮第四

所謂賢人君子者非必高位厚祿富貴榮華之謂也

漢書董仲舒傳云身

寵而載高位家溫而食厚祿因乘富貴之資力以與民爭利於下敘傳答賓戲云據傲乘邪以求一口之富貴朝為榮華夕而

蕉此則君子之所宜有而非其所以為君子者也所謂小人者

非必貧賤凍餒辱阨窮之謂也

辱上脫一字程本辱作困

此則小人之所宜

處而非其所以為小人者也奚以明之哉夫桀紂者夏殷之君

王也崇侯惡來天子之三公也

見史記殷本紀

而猶不免於小人者以

其心行惡也伯夷叔齊餓夫也

法言淵騫篇云西山之餓夫

傳說胥靡

呂氏春秋

求人篇云傳說殷之胥靡也高誘注胥靡刑罪之名也

而井伯虞虜也

井伯虞虜舊作井曰處虜傷五年左

傳云執虞公及其大夫井伯史記晉世家執作虜

然世猶以為君子者以為志節美也

漢書云敞傳云車騎將軍王舜高共志節

故論士苟定於志行

淮南子原道訓云士有一定之論管子八

觀篇云商賈之人不論志行而有爵祿荀子榮辱篇云志行修臨官治

勿以遭命則雖有天下不

足以為重無所用不足

舊作可

以為輕處隸圉

哀二年左傳云人臣隸圉免周語云

湮替隸圉韋昭注隸役也圉養馬者

不足以為恥撫四海不足以為榮况乎其未

能相縣若此者哉

荀子王制篇云是其為相縣也亦遠矣

故曰寵位不足以尊我

以下舊新書大政上篇云紂自謂天王也而卑賤不足以卑已桀自謂天子也已滅之後民以相

罵也以此觀之則位不足以為尊而號不足以為榮矣夫令譽從我興而二命自天降之

禮記祭法疏引援神契云命有三科有受命以保慶有遭命以謫暴有隨命以督行此云二命蓋不數受命卜列篇云命有遭

隨御覽三百六十引春秋元命苞云命者天之令也所受於帝行正不過得壽命壽命正命也起九九八十一有隨命隨命者

隨行為命也有遭命遭命者行正不誤逢世殘賊君上逆亂幸咎下流災譴並發陰陽散忤暴氣雷至滅日動地絕人命沙鹿

是夔邑詩云天實為之謂之何哉北門故君子未必富貴小人未必

貧賤論衡命祿篇云才高行厚未必保其必富貴智寡德薄未

命善興而超踰故夫臨事知愚操行清濁或潛龍未用或舊脫

性與才也仕宦貴賤治產貧富命與時也据程

本補亢龍在天易乾從古以然今觀俗士之論也以族舉德以位命

賢仲長統昌言云天下士有二俗選茲可謂得論之一體矣而士而論族姓閥閱一俗見意林未獲至論之淑真也眞程本作貞誤淮南子有倣眞訓堯聖父

也而丹囚傲

書皋陶謨

舜聖子也而叟頑惡

堯典

叔嚮賢兄也而鮒貪

暴

昭元年十三年十四年左傳

季友賢弟也而慶父淫亂

莊卅一年閏二年左傳

論若

必以族是丹宜禪而舜宜誅鮒宜賞而友宜夷也論之不可必

以族也若是昔祁奚有言鯨殛而禹興管蔡為戮周公祐王

襄廿

一年左傳

故書稱父子兄弟不相及也

昭廿年左傳苑何忌曰在康誥曰父子兄弟罪

不相及疏云此非康誥之全文引其意而言之

幽厲之貴天子也而又富有四海

墨子非命

下篇云桀紂幽厲貴為天子富有天下

顏原之賤匹庶也而又

凍餒屢空

論語

論若必以位則是兩王是

疑

為世士

治要載尸子勸學篇云使

賢者教之以為世士

而二處為愚鄙也論之不可必以位也又若是焉

莊子

盜跖篇子張曰勢為天子未必貴也窮為匹夫未必賤也貴賤之分在行之美惡

故曰仁重而勢輕位

蔑而義榮

春秋繁露云今人大有義而甚無利雖貧與賤尚榮其行新語本行篇云賤而好德者尊貧而有義者榮

詩桑柔鄭箋云蔑猶輕也程本蔑作辱誤今之論者多此之反而又以九族或以所

來則亦遠於獲眞賢矣漢書貢禹傳云求士不得眞賢昔自周公不求備於一

人論語況乎其德義既舉乃可以它故而弗之采乎由余生於五

狄越蒙產於八蠻蒙舊作象史記鄒陽傳云秦用戎人由余而霸中國齊用越人蒙而疆威宣索隱云越人

蒙未見所出漢書作子臧張晏曰子臧或是越人蒙字也而功施齊秦德立諸夏閔元年左傳云諸夏

親匿杜注諸夏中國也令名美譽襄廿四年左傳云非無賄之患而無令名之難周語云爲令聞嘉譽以聲之

載於圖書韓非子用人篇云書圖著其名大體篇云豪傑不著名於圖書至今不滅張儀中國

之人也衛鞅康叔之孫也並見史記而皆讒佞反覆交亂四海詩青蠅云

讒人罔極交亂四國史記蘇秦傳云左右賣國反覆之臣按漢書息夫躬傳王嘉言寵躬皆傾覆有佞邪材恐必撓亂國家亦

用青蠅由斯觀之人之善惡不必世族性之賢鄙不必世俗王

生云族承上或以九族言俗承上或以所來言中堂生負苞王先先生云堂是唐之誤中唐見詩防有鵲巢苞當爲

芻爾雅云黃王芻是也古者多言負芻

山野生蘭芷

史記日者傳云蘭芷芻藟棄於廣野

夫和氏之

璧出於璞石隋氏之珠產於蜃蛤

隋氏當作隋侯漢書敘傳答賓戲云蘇氏之璧韞於荆石

隋侯之珠藏於蚌蛤顏師古注蘇古和字淮南子覽冥訓云隋侯之珠和氏之璧高誘注隋侯漢東之國姬姓諸侯也御覽九

百四十一引墨子云申徒狄謂周公曰賤人何可薄耶周之靈珪出於土石隋之明月出於蚌蜃

詩云采葑采

菲無以下體

谷風

故苟有大美可尚於世則雖細行小瑕曷足以

為累乎

漢書陳湯傳劉向曰論大功者不錄小過舉大美者不疵細瑕淮南子汜論訓云夫人之情莫不有所短誠其

大畧是也雖有小過不足以為累

是以用士不患其非國士

成十六年左傳云伯州犂以公卒告

王苗賁皇在晉侯之側亦以王卒告皆曰國士在且厚不可當也按國士謂本國之士即下所云此土之士也若呂氏春秋忠

廉篇王子慶忌謂要離天下之國士不侵篇豫讓曰智氏國士畜我長利篇戎夷曰我國士也為天下惜死國士皆謂士蓋一

國者故漢書韓信傳國士無雙顏師古注以國士為國家之奇士與左傳義別後世習用國士以為美稱而於本國之義微矣

而患其非忠

舊作中

世非患無臣而患其非賢

王先生云世非患無臣當作非患無

世臣此四語亦蓋無羈縻未詳史記司馬相如傳云天子之於族俗分承言之夷狄也其義羈縻勿絕而已王先生

云羈縻當是羈旅以下文非此土之人知之陳平韓信楚俘也而高祖以為藩輔史記

漢興以來諸侯年表序云藩輔京師實平四海安漢室衛青霍去病平陽之私人

也詩大東云私人之子毛傳私人私家人也而武帝以為司馬漢書賈誼傳云自丞尉以上徧置私人

實攘北狄詩采薇毛傳獫狁北狄也鄭箋云北狄今匈奴也漢書匈奴傳揚雄云北狄真中國之堅敵也郡河

西惟其任也陳平韓信衛青霍去病並見史記何卑遠之有然則所難於非此

土之人非將相之世者為其無是能而處是位無是德而居是

貴白虎通京師篇云有能然後居其位德加於人然後食其祿荀子王制篇云無德不貴無能不官無以我尙

而不乘我勢也不字疑衍乘或乘之誤韓非子入說篇云以智士之計處乘勢之資而為其私急則君必欺焉

難勢篇云乘不肖人於勢是為虎傅翼也外儲說左下東郭牙日以管仲能乘公之勢以治齊國得無危乎

賢難第五

世之所以不治者由賢難也所謂賢難者非直體聰明服德義

之謂也此則求賢之難得爾非賢者之所難也故所謂賢難者

舊脫乃將言乎循當作脩古書善則見妬行賢則見嫉楚辭離騷云各

難字興心而嫉妬嫉下舊有也字据諸子品節刪而必遇患難者也虞舜之所以放殛孟子

云舜往於田號泣於旻天又云父母使舜完廩捐階瞽叟焚廩使浚井出從而掩之放殛謂此子胥之所以被

誅哀十一年左傳上聖大賢猶不能自免於嫉妬則又况乎中世之八

哉况字舊脫程本有况無又按此秀士所以雖有賢材美質白

通辟雍篇云其有賢材美質知學者足以開其心然猶不得直道而行論語遂成其志者

也處士不得直其行管子問篇云處士修行足以教人荀子非

也朝臣不得直其言管子明法篇云國無

此俗化之

鴻賦李善注引風俗通云處士者隱居放言也淮南子覽冥訓云大夫隱道而不言高誘注隱仁義之道不正諫直言也論語云國無道危行言遜也

所以敗

漢書董仲舒傳云習俗化之變貨殖傳云傷化敗俗

闇君之所以孤也

闇君見務本篇注管

子法法篇云正言直而毋內人主孤而毋內則人臣黨而成羣

之士危則人主孤

齊侯之以奪國

哀十四年

左傳魯公之以放逐

謂昭公哀公程本以上並有所字誤下云三代之以覆列國之以滅即其例亦見本訓篇

史記吳世家云商之以興蓋此例所本

皆敗績厭覆於不暇

襄卅一年左傳子產語

而用及

治乎故德薄者惡聞美行政亂者惡聞治言此亡秦之所以誅

偶語而坑術士也

見史記秦始皇紀

今世俗之人自慢其親而憎人敬

之自簡其親而憎人愛之者不少也

孝經云愛親者不敢惡於人敬親者不敢慢於人

豈獨品庶

說文云品眾庶也漢書賈誼傳服賦云品庶每生吏記伯夷傳作眾庶馮生說苑反質篇墨子曰夫品庶

非有心也以人主為心

賢材時有焉鄧通幸於文帝盡心而不違吮癰而

無恡色

方言云恡恨也恡恡正俗字

帝病不樂從容曰天下誰最愛朕者乎

鄧通欲稱太子之孝則因對曰莫若太子之最愛陛下也及太

子問疾帝令吮癰有難之色帝不悅而遣太子既而聞鄧通之

常吮癰也乃慙而怨之及嗣帝位遂致通罪而使至於餓死見史

記倭幸傳故鄧通其行所以盡心力而無害人昭十九年左傳云盡心力以事君其字舊

脫依下文例補其言所以譽太子而昭孝慈也太子自不能盡其稱則

反結怨而歸咎焉桓十八年左傳云無所歸咎稱人之長欲彰其孝且猶為

罪又况明人之短矯世者哉說苑政理篇孔子曰言人之善者有所得而無所傷也言人之惡者

無所得而有所傷也荀子臣道篇云言其所長不稱其所短漢書楊王孫傳云將以矯世也且凡士之所以

為賢者且以其言與行也王先生云且字衍忠正之言非徒譽人而已

也必有觸焉孝子之行非徒吮癰而已也必有駁焉韓非子外儲說左下

云雖有駁行必得所利詩裳裳者華云裳裳者華或黃或白鄭箋與明王之德時有駁而不純純駁注詳實貢篇然則

循行漢書陳湯傳云司隸奏湯無循行宋祁曰循疑當作修此循亦當為修高帝紀二年合舉民年五十以上有修行能

帥眾為善置以為漢書諸葛豐傳云使論議士議臣論議之士無補長獲素餐之名按漢書百官

公卿表光祿勳屬官有大夫掌論議冀勝傳御史中丞劾奏勝

吏二千石常位大夫皆幸得給事中與論議漢時多以論議稱

人蓋功令有其文平常傳公卿薦當論議通明師丹傳丞相方

進御史大夫孔光舉丹論議深博蕭望之傳宣帝察望之經明

持重論議有餘材任宰相楚元王後向傳元帝詔河東太守堪

資質淑茂道術通明論議正直秉心有常傳喜傳太后下詔曰

高武侯喜姿性端慤論議忠直皆据令文言之息夫躬傳云論

議亡所避眾畏其口王商傳云王鳳顯權行多驕僭商論議不

能平鳳鳳知之亦疏商京房傳云數以論議得不遇於嫉妬之

為大臣所非則此所云不能免於刑戮者也楚辭九辨云何免於

名史記鄒陽傳云不能自免於嫉妬之人楚辭九辨云何免於

刑戮之咎者蓋其幸者也論語云免於刑比干之所以剖心箕

子之所以為奴史記殷伯宗之以死成十五郟宛之以亡昭廿

左傳夫國不乏於妬男也猶家不乏於妬女也近古以來自外及

內其爭功名妬過己者豈希也列女傳魯季敬姜云其予以惟

兩賢爲宜不相害乎

史記季布傳云丁公爲項羽逐窘高祖彭城西短兵接高祖急顧丁公曰兩賢豈相

厄然也范睢絀

借

白起公孫弘抑董仲舒

並見史記程本白起作白公按白公

見史記

蔡澤傳此同朝共君寵祿爭故耶

爭字上下有脫字史記屈原傳云上官大夫與之同列爭

寵而心害其能隱四年左傳石碣云寵祿過也

惟殊邦異途利害不干者爲可以免乎

然也孫臏修能於楚

按史記孫子傳云臏生阿甄之間阿甄皆齊邑見司馬穰苴傳漢書藝文志兵權謀

家亦云齊孫子而呂氏春秋不二篇高誘注云孫臏楚人爲齊臣蓋別有所本

龐涓自魏變色誘以刑

之韓非明治於韓李斯自秦作思致而殺之

並見史記治諸子品節作法按非傳

云非疾治國不務修明其法制

嗟士之相妒豈若此甚乎此未達於君故受禍

邪惟見知爲可以將信乎然也京房數與元帝論難使制考功

而選守晁錯雅爲景帝所知

史記高祖紀雍齒雅不欲屬沛公集解服虔曰雅故也蘇林曰雅素

也使條漢法而不亂

舊無條字品節有條無使按使條與使制對今補正漢書刑法志云張湯趙禹之屬

條定法令循吏傳顏師古注凡言條者一一而疏舉之若木條然夫二子之於君也可謂見知

深而寵愛殊矣然京房冤死而上曾不知晁錯既斬而帝乃悔

並見此材明未足衛身詩烝民云既明且哲以保其身莊十六年左傳云君子謂強鋸不能衛其足淮

南子繆稱訓云世治則以義衛身故及難邪閔二年左傳云周公勿從故及於難惟大聖為能無

累乎然也帝乙以義故囚易乾鑿度云易之帝乙為成湯書之帝乙六世王同名不害以明功史記

夏本紀云夏桀不務德而武傷百姓百姓弗堪乃召湯而囚之夏臺文王以仁故拘淮南子道應訓崇侯虎曰

周伯昌行仁義而善謀請圖之屈商夫體至行仁義按至字疑乃拘文王於羑里事詳史記周本紀行漢書東

方朔傳答客難云太公體行仁義史記三王世家云躬親仁義體行聖德莊子漁父篇云孔氏者性服忠信身行仁義據

南面師尹卿士且猶不能無難然則夫子削迹莊子盜跖篇云削跡於衛叔

嚮縲紲襄廿一年左傳屈原放沈賈誼貶黜並見鍾離廢替意也何敞

束縛並見後漢書王章抵罪見漢書平阿斥逐平阿侯名仁王莽諸父事詳漢書元后傳蓋

其輕士者也

疑當作蓋是其輕者也晉書華譚傳云仲舒抑於孝武賈誼失於漢文蓋復是其輕者也用此例

詩云無罪無辜讒口敖敖

十月之交敖敖今詩作囂囂釋文引韓詩作警警爾雅釋訓云敖敖傲也

與此合

彼人之心于何不臻

苑柳不今詩作其

由此觀之妒媚之攻擊也

媚當作媚說文云如婦妒夫也媚夫如婦也史記五宗世家常

山憲王王后以妒媚不常侍病索隱云媚鄒氏本作媚媚媚字

形相近易誤也黥布傳贊云如媚生患顏氏家訓書證篇嘗辨之

亦誠工矣賢聖之居世也亦

誠危矣故所謂賢難也者非賢難也免則難也彼大聖羣賢功

成名遂

老子文

或爵侯伯或位公卿尹據天官

漢書李尋傳云充備天官詳忠貴篇

注

束在帝心

論語束今作簡

宿夜侍宴

管子禁藏篇云宿夜不出按宿當作宿說文云夙早敬也宿亦

古文夙从人西宿从此詩有駮云夙夜在公在公載燕漢書嚴助傳云助侍燕從容宴與燕通

名達而猶有若

此

王先生云名達下有脫字繼培按論衡藝增篇詩云鶴鳴九臯聲聞于天言鶴鳴九折之澤聲猶聞于天以喻君子修德

窮僻名猶達朝廷也名達亦謂名達朝廷矣

則又况乎猷猷佚民山谷隱士

漢書梅福傳云

隱士不顯佚民不舉莊子
刻意篇云此山谷之士
因人乃達時論乃信者乎
時義與時其亡之時

同此智士所以鉗口結舌
莊子田子方篇云口鉗而不欲言史記袁盎傳盜說絳侯曰君今自閉鉗

天下之口漢書盜傳作箝五行志又云臣畏刑而掛口箝掛與
鉗同顏師古注並云箝也鄧析子轉辭篇云左右結舌漢書李

尋傳云智者結舌杜周傳杜業
上書云尚書近臣皆結舌杜口
括囊共默而已者也
易坤六四括囊无咎

无譽共讀爲拱漢書鮑宣傳云以拱默尸祿爲
智後漢書左雄傳云方今公卿以下類多拱默
且閭閻凡品
說文

云閭里門也閭里中門也漢書武帝子戾
太子傳云江充布衣之人閭閻之隸臣耳
何獨識哉苟望塵剽

聲而已矣
後漢書馬融傳云羌胡百里望塵千里聽聲剽舊作

云耳剽日久顏師古注
剽劫也猶言行聽也
觀其論也非能本閨闈之行迹
闈蓋閨之誤爾

雅釋宮云宮中之門謂之闈其小者謂之閨小閨謂之閨淮南
子主術訓云責之以閨闈之禮奧突之間史記汲黯傳云黯多

病臥閨闈內不出漢書司馬遷傳答任安書云身直爲閨闈之
臣循吏文翁傳云使傳教令出入閨闈顏師古注閨闈內中小

門也閨闈行迹猶云門內之行也漢書嚴朱
吾邱主父徐嚴終王賈傳贊云察其行迹
察臧否之虛實也

吾邱主父徐嚴終王賈傳贊云察其行迹
察臧否之虛實也

吾邱主父徐嚴終王賈傳贊云察其行迹
察臧否之虛實也

詩抑云未直以面譽我者為智大戴禮文王官人諛諛己者為

仁孟子云與讒諂處姦利者為行漢書張蒼傳云蒼任人為中

官而置富者為雄桀處竊祿位者為賢爾周禮太宰八則治都

姦而得利者為壯士竊祿位者為賢爾鄒四曰祿位以取其

士大戴禮曾子立事篇云無益而厚受祿竊也論語云臧文仲

其竊位者與文子上仁篇老子曰不以德貴竊位也後漢書杜

詩傳云久竊祿位豈復知孝悌之原忠正之直疑綱紀之化詩棫樸云

本途之歸哉此鮑焦所以立枯於道左說苑雜言篇云鮑焦抱

一傳徐衍所以自沈於滄海者也漢書鄒陽傳上吳王書云徐衍

也諺曰一犬吠形百犬吠聲風俗通正失篇言淮南王事云後

君神事云目痛小疾亦行自愈眾犬吠聲因盲者得視遠近

之疾此固久矣哉論語曰久矣哉吾傷世之不察真偽之情也

故設虛義以喻其心曰今觀宰司之取士也有似於司原之佃

也襄四年左傳虞箴三獸臣司原易繫辭下傳云以佃以漁釋文引馬融注取獸曰佃昔有司原氏者燎

獵中野爾雅釋天云畝田為燎郭注即今夜獵畝也燎與獠通鹿斯東奔詩小弁云鹿斯之奔司

原縱謀之御覽八百卅二作從而謀之鄭語云王使婦人不幃而謀之韋昭注謀謹呼西方之眾有

逐豨者方言云豬南楚謂之豨豨與豨同聞司原之謀也競舉音而和之楚辭離騷

王逸注競並也司原聞音之眾則反輟己之逐而往伏焉遇夫俗惡之

豨王先生云俗惡當作浴聖聖白土也豨浴於聖則色白故司原誤以為白瑞及澤雨灌豨塗淪敗乃復艾豨之本質耳

司原喜而自以獲白瑞珍禽也御覽九百十四引白虎通云禽者何鳥獸之總名明為人所禽

制盡芻豢單囿倉以養之楚語云芻豢幾何韋昭注草養曰芻穀養曰豢呂氏春秋仲秋紀高誘注

圖曰囿方曰倉豕俛仰嚶咿後漢書文苑傳趙壹賦云伊優北堂上章懷注伊優屈曲佞媚之貌嚶咿與伊優同

為作容聲司原愈益珍之居無何漢書陳平傳云居無何顏師古注無何猶言無幾時烈

風興而澤雨作王先生云澤疑淫繼培按說苑辨物篇越裳氏譯日久矣天之無烈風淫雨灌巨豕

而惡當作塗淪逐駭懼王先生云眞聲出乃知是家之艾猥爾

定十四年左傳云盍歸我艾猥說文云猥牡豕也猥與猥同此隨聲逐響之過也眾遇之未

赴疑信焉今世主之於士也目見賢則不敢用耳聞賢則恨不

及鬼谷子內捷篇云日進前雖自有知也猶不能取必更待羣

司之所舉漢書韋賢傳韋孟則亦懼失麟鹿而獲艾猥說文云

鹿也奈何其不分者也未遇舊作過据風雨舊之變者疑故也俾

使一朝奇政兩集兩當作雨論衡定賢篇云文墨兩集誤與此

則險隘之徒楚辭離騷云惟黨人之聞茸之質史記賈誼傳亦

將別矣夫眾小朋黨而固位漢書楚元王傳劉向封事云眾小

子又云朋黨比周稱譽者登進忤恨者誅讒妒羣吠齧賢楚辭

傷翟方進傳云內求人主微指以固其位云邑大羣吠兮吠所怪也詐駿疑傑兮固庸態也晏子春秋問

上云人有酤酒者爲器甚潔清置表甚長而酒酸不售問之里

人其故里人云公之狗猛人挈器而入且酤公酒狗迎而噬之此酒所以酸而不售也夫國亦有猛狗用事者是也有道術之士欲于萬乘之主而用事者迎而噬之

此亦國之猛狗也韓詩外傳七作齧為禍敗也豈希晉語云禍敗無

已三代之以覆列國之以滅管子五輔篇云暴王之所以失國家危社稷覆宗廟滅於天下非失

人者未後人猶不能革襄十四年左傳云失則革之杜注革更也晏子春秋諫上云行不能革此

萬官所以屢失守楚語觀射父云五物之官陪屬萬為萬官又云失其官守而天命靡常

者也詩文王云天命靡常詩云國既卒斬何用不監節南山嗚呼時君俗主

漢書藝文志論諸子云時君世主好惡殊方呂氏春秋

秋異寶篇云其主俗主也高誘注俗主不肖凡君

不此察也

潛夫論卷第一終

思賢講舍校刊

潛夫論卷第二

蕭山汪繼培因可箋

明闇第六

國之所以治者君明也其所以亂者君闇也君之所以明者兼

聽也

管子明法解云明主者兼聽獨斷漢書梅福傳云博覽兼聽謀及疏賤令深者不隱遠者不塞所謂辟四門明四目

也

舊脫振其治要補

所以闇者偏信也

荀子不苟篇云公生明偏生闇

是故人君通必

兼聽

必疑當作心僖二年穀梁傳云宮之奇達心而懦新序善謀篇作通心王先生云必疑聽以下通四聰證之

則

聖日廣矣庸說偏信

趙策馮忌曰言而不稱師是庸說也王先生云說疑議以下靖言庸回證之

則

愚日甚矣

愚舊作過据治要改管子君臣上篇云夫民別而聽之則愚合而聽之則聖史記袁盎傳盎謂申屠嘉曰

上日聞所

不聞明所不知日益聖智君今自閉錯天下之日而日益愚亦聖愚並舉之證

詩云先民有言詢

於芻蕘

板

夫堯舜之治闢四門明四目通四聰

書堯典通舊作達据治要改史

記五帝紀述尚書作通漢書王莽傳同韓詩外傳六亦云牧者所以開四目通四聰漢書鼂錯傳云近者獻其明遠者通厥聰亦用尚書文

是以天下輻湊而聖無不照管子九守主明云日貴明耳貴聰心貴智以天下之日視則無不見也以天下之耳聽則無不聞也以天下之心慮則無不知也輻湊並進則明不塞矣照舊作昭据治要改獨斷

云皇者煌也盛德煌煌無所不照故其繇之徒弗能塞也靖言庸回弗能惑也

並見書堯典靖今書作靜漢書王尊傳論衡恢國篇並與此同秦之二世務隱藏已鄧析子無厚篇云君

者藏形匿影而斷百僚書皋陶謨云百僚師師隔捐舊作損疏賤管子明法解云疏遠

高閉而不得聞而信趙高是以聽塞於貴重之臣韓非子孤憤篇云智術能

法之士用則貴重之漢書谷永傳云抑遠驕如之寵故天下臣必在繩之外矣

明蔽於驕妒之人漢書賈捐之傳云天下潰叛禍卒在於二世之未賈山傳云天下已潰而莫之告皆高

潰叛弗得聞也漢書賈捐之傳云天下潰叛禍卒在於二世之未賈山傳云天下已潰而莫之告皆高

所殺治要作皆知高殺並有脫誤莫敢言之周章至戲乃始駭閣樂進勸乃

後悔不亦晚矣治要作乎事見史記秦始皇紀故人君舊脫据治要補兼聽納下則貴

臣不得誣而遠人不得欺也

管子明法解云明主者兼聽獨斷多其門戶羣臣之道下得明上賤

得言貴故姦人不致欺

慢賤信貴則朝廷讜言無以至

言字舊空据罷本補孟子禹聞善言

則拜趙岐注引尚書曰禹拜讜言今書舉陶謨作昌

言漢書敘傳今日復聞讜言顏師古注讜言善言也

而潔士奉

身伏罪於野矣

矣字舊空据程本補襄廿六年左傳云義則進否則奉身而退

夫朝臣所以統

理

漢書孔光傳策云丞相者朕之股肱所與共承宗廟統理海內薛宣傳云御史大夫內承本朝之風化外佐丞相統理天

下而多比周則法亂

舊無法字按文義當有下云官無亂法之臣可證管子任法篇云羣黨比周以立其

私請謁任舉以亂公法王先生云多當是朋字之誤下脫黨字

賢人所

舊空据程本

以奉己而隱遜

伏野則君孤法亂君孤

以上四字舊脫

而能存者未之嘗有也

管子明法解云

法廢而私行則人主孤特而獨立人臣羣黨而成朋如此則主弱而臣強此之謂亂國

是故明君莅眾

易

夷象曰君子以莅眾

務下言以昭外敬納卑賤以誘賢也

治要言上有之字昭外下有也

字疑衍昭當作照王先生云納字當在務字下昭當作招觀下無距言無慢賤平列可見

其無距言未必言

者之盡可用也乃懼距無用而讓有用也

晏子春秋諫下云天下者非用一士之言

也固有受而不用惡有拒而不受者哉距與拒通新書大政下

篇云古聖王君子不素距人乃懼以下十字舊脫据治要補讓

與攘通曲禮左右攘辟鄭注攘卻也

其無慢賤未必其人盡賢也乃懼慢不肖而

絕賢望也是故聖王表小以厲大

表舊作責据治要改新書大政下篇云聖王選舉也以爲

表也賞鄙以招賢然後良士集於朝

書秦誓云番番良士

下情達於君也

明法篇云下情求不上通謂之塞

故上無遺失之策

文子自然篇云因循任下責成而不勞謀無失策舉

無過事史記主父偃傳云謀無遺策

官無亂法之臣此君民之所利而姦佞之所

患也昔張祿一見而穰侯免

見史記范雎傳

袁絲進說而周敦黜

見史記袁

盎傳教與勃同

是以當塗之人

當塗之人見韓非子孤憤篇孟子當路於齊趙注云得當仕路當塗猶言當路

恆嫉正直之士

詩小明云正直是與

得一介言於君

春秋繁露楚莊王篇云介以一言日王者

必改制按介之言聞也漢書杜周後欽傳云母使范雎之徒得聞其說

以矯其邪也

文選長笛賦李善注引蒼

頡篇云故上舊脫飾僞辭以障舊作彰主心漢書董仲舒傳云百下

設威權以固士民秦策范雎曰臣聞善為國者內固其威而外重其權趙高亂政恐惡聞

上乃豫要二世曰屢見羣臣眾議政事則黷黷且示短不若藏

己獨斷神且尊嚴天子稱朕固但聞名二世於是乃深自幽隱

獨進趙高趙高入稱好言以說主出倚詔令以自尊天下魚爛

史記秦始皇紀後班固論云河決不可復壅魚爛不可復全按魚爛本僖廿九年公羊傳相帥叛秦趙高恐

懼歸惡於君乃使閻樂責而殺下當脫願一見高不能而死見史

記秦始皇紀夫田常囚簡公田常即陳恆事見哀十四年左傳蹕齒懸潛王秦

范雎云淖齒管齊之權縮閔王之筋懸之廟梁宿昔而死二世

亦既聞之矣然猶復襲其敗迹者韓非子南面篇何也過在於

不納卿士之箴規周語云師箴近臣盡規不受民氓之謠言晉語云風聽臚言於市辨

妖祥於謠後漢書蔡邕傳云令三公謠言奏事章懷注引漢官儀曰三公聽採長吏臧否人所疾苦條奏之是為舉謠言者也
劉陶傳云聽民庶之謠吟自以己賢於簡潛而趙高賢以上三字舊脫於二臣也故

國已亂而上不知禍既作而下不救舊作殺此非眾共棄君乃君

以眾命繫趙高病自絕於民也書西伯戡黎云惟王淫戲用自絕後末世之君

危何知之哉文有脫誤舜曰予違汝弼汝無面從退有後言書皋陶謨故

治舊脫据治要補國之道勸之使諫宣之使言周語邵公曰為民者宣之使言然後君

明察而治情通矣且凡驕臣之好隱賢也漢書谷永傳云驕臣悍妾孟子云進不隱

賢既患其正義以繩已矣史記商君傳云日繩秦之貴公子又恥居上位而明

不及下尹其職而策不出於己治要載崔實政論云其達者或矜名嫉能恥善策不從己出則

舞筆奮辭以破其義寡不勝眾遂見屏棄是以郅宛得眾而子常殺之昭廿七年左傳屈原

得君而椒蘭構讒構舊作挺据治要改新序節士篇云屈原者名平楚之同姓大夫有博通之知清潔之行

懷王用之秦欲吞滅諸侯并兼天下屈原爲楚東使於齊以結
強黨秦國患之乃使張儀之楚貨楚貴臣上官大夫靳尚之屬
上及令尹子蘭司馬子椒內賂夫人鄭袖共譖屈原屈原遂放
於外乃作離騷漢書揚雄傳反離騷云靈修旣信椒蘭之佞佞
兮蘇林曰椒蘭令尹子椒子蘭也按史記屈原傳不載子椒
書酷吏嚴陳湯殺郅支而匡衡校其功見漢書陳湯傳校由此
延年傳

觀之處位卑賤而欲效善於君則必先與寵人爲讎矣

據治要補韓非

子入說篇云治國是非不以術斷而決於寵人則臣下輕君而重於寵人矣

乘舊寵沮之於內

乘舊作恃

據治要改按乘猶恃也考績篇云富者乘其才力

而已接賤

舊無而已二字據治要補按接當作疏疏誤爲跡又

轉誤爲接也韓非子孤憤篇云處勢卑賤無黨孤特夫以疏賤與近愛信爭其數不勝也此文本之漢書趙充國傳疏捕山間虜顏師古注疏字本作跡言尋跡而捕之亦疏跡相誤之證欲自信於外此據治要補思善之君

願忠之士所以雖並生一世憂心相皦而終不得遇者也

皦疑

記曲禮鄭注皦號呼之聲也王先生云皦明白之貌

考績第七

凡南面之大務莫急於知賢

漢書谷永傳云王事之綱紀南面之急務

知賢之近途

莫急於考功功誠考則治亂暴而明

谷永傳云治天下者尊賢考功則治簡賢違功則亂

善惡信則直

疑

賢不得見障蔽

漢書李尋傳云忠直進不蔽障

而佞巧不得竄

其姦矣

呂氏春秋審分覽云詔諛諛賊巧佞之人無所竄其姦高誘注竄猶容也

夫劍不試則利鈍

聞弓不試則勁撓誣鷹不試則巧拙惑馬不試則良駑疑

韓非子顯

學篇云授車就駕而觀其未塗則賊獲不疑駑良藝文類聚五十七引班固擬連珠云臣聞馬伏阜而不用則駑與良而為羣

士齊僚而不職則賢與愚而不分

此四者之有相紛也由不考試故得然也今

羣臣之不試也其禍非直止於誣闇疑惑而已又必致於怠慢

之節焉

荀子君道篇云百吏官人無怠慢之事漢書薛宣傳冊免宣云有司法君領職解媪闇謾欺之路

設如

家人有五子十孫父母不察精慳則勲力者懈弛而惰慢者遂

非也

漢書疏廣傳廣云願自有舊田廬令子孫勤力其中足以共衣食與凡人齊今復增益之以為贏餘但教子孫怠墮

耳賈山傳云臣恐朝廷之解弛百官之墮於事也諸侯聞之又必怠於政矣顏師古注解讀曰懈佞幸董賢傳哀帝策免了明

云將軍遂非不改按也字疑當作此屬下句讀耗業破家之道也舊無破字不成句按

窮今据補漢書嚴父子兄弟一門之計猶有若此則又况乎羣

臣總猥治公事者哉禮記月令云寒氣總至鄭注總猶猥卒按

事傳曰善惡無彰何以沮勸襄廿七年左傳善惡作賞罰彰作章是故大人不考

功史記刺客傳云嚴仲子奉黃金百鎰前為聶政母壽日將為

為大人漢書宣元六王傳王遇大人益解為大人乞骸去大人

憲王外祖母古詩三日斷五匹大人故言遲是也繼培按後漢

書黨錮傳范滂白母曰惟大人割不可忍之恩亦稱母為大人

然此本為父母通稱說苑建木篇曾皙擊曾子仆地有頃蘇進

日曩者參得罪於大人史記高祖紀奉玉卮起為太上皇壽日

始大人常以臣無賴不能治產業越世家陶朱公長男日家有

長子日家督今弟有罪大人不遣乃遣少弟漢書疏廣傳兄子

受日從大人議即日父子俱移病後漢書馬援傳援嘗有疾梁

松來候之獨拜牀下援不答松去後諸子問曰梁伯孫帝塔貴
重朝廷公卿以下莫不憚之大人奈何獨不為禮馮組傳父煥
為幽州刺史怨者詐作璽書譴責煥賜以歐刀煥欲自殺緄止
煥曰大人在州志欲去惡實無他故必是凶人妄詐朱暉傳云
張堪卒暉聞其妻子貧困乃自往候視厚賑贍之暉少子頡怪
而問曰大人不與堪為友平生未曾相聞子孫竊怪之崔駰後
實傳實從兄烈問其子鈞曰吾居三公於議者何如鈞曰大人
少有英稱歷位卿守論者不謂不當為三公傳燮傳子幹進諫
曰國家昏亂遂令大人不容於朝皇甫嵩傳從子鄴說嵩曰能
安危定傾者惟大人與董卓耳列女傳鮑宣妻曰大人以先生
修德守約故使賤妾侍執巾櫛是皆以

大人稱其父及父之兄弟非獨父嫗也

長不考功漢書武帝紀元朔元年詔曰二千石官長綱

則吏怠

傲而姦宄興

孟子云般樂怠傲書堯典云寇賊姦宄釋名釋言
語云姦奸也言奸正法也宄仇也仇易常正也

帝王不考功則直

疑

賢抑而口僞勝

空格程本作詐漢書景帝
紀後二年詔曰或許僞為

吏臣讚曰律所謂
矯枉以為吏者也

故書曰三載考績黜陟幽明堯
典蓋所以昭賢

愚而勸能否也聖王之建百官也皆以承天治地牧養萬民者

也牧舊作物按牧養本管子問篇形勢解云主牧萬民漢書是
宣帝紀本始元年詔郡國二千石謹牧養民而風德化

故有號者必稱於脫典春秋繁露深察名號篇云號為天子者

者宜謹視所候奉之天子也號為大夫者宜厚其忠信敦其禮

義使善大於匹夫之義足以化也士者事也民者暝也士不及

化可使守事從上而已五號自讚各有分分中委曲曲有名名

眾於號號其大全名也者名其別離分散也按典名二字疑倒

名理者必效於實六韜舉賢篇文王曰舉賢奈何太公曰將相

分職而各以官名舉人按名督實選才考能

令實當其名名當其實則得舉賢之道也則官無廢職位無非人漢書成帝紀鴻嘉

賢傅納以言明試以功故官無廢事下無逸夫守相令長效在

民翼奉傳云有司各敬其事在位莫非其人二年詔曰古之選

治民續漢書百官志云每郡置太守每縣邑道大者州牧刺史

置令其次置長候國令長為相注云皆掌治民

在憲聰明百官志云每州刺史一人注武帝初置刺史成帝更

為牧建武十八年復為刺史漢書朱博傳云何武為

大司空與丞相方進共奏言古選諸侯賢者以為州伯書曰咨

十有二牧所以廣聰明燭幽隱也今部刺史居牧伯之位秉一

州之統選第大吏所薦位高至九卿所惡立退任重職大按憲

疑悉之誤于定國傳云承執綱紀務悉聰明王嘉傳云公卿股

肱莫能悉心務聰明顏師古注
悉盡也務聰明者廣視聽也
九卿分職以佐三公百官志太

衛尉太僕廷尉大鴻臚宗正大司農少府皆卿一人太尉司
徒司空皆公一人說苑臣術篇云九卿者所以參三公也
三公

公總統典和陰陽漢書丙吉傳云三公典調和陰陽陳平傳云

之宜外鎮撫四夷諸侯內親附皆當考治以効實為王休者也

百姓使卿大夫各得任其職焉詩江漢云侍中大夫議郎屬光祿勳以言語

對揚王休為職諫諍為官漢書鮑宣傳云官以諫及選茂才漢舊儀云刺

才者移名丞相丞相考召取明經一科明律令一科能治劇一科按茂才本稱秀才後漢避光武帝諱改之孝廉漢書

武帝紀元光元年賢良方正文帝紀二年詔舉賢良方正初令郡國舉孝廉能直言極諫者為此科之始惇樸

下作敦厚後漢書左周黃列傳論二科並列以為中興後所增按漢書元帝紀永光元年詔舉賢樸敦厚遜讓有行者光祿歲

以此科第郎從官後漢書吳祐傳注引漢官議稱光祿四行敦厚質樸遜讓節儉是也成帝紀永始三年又云舉惇樸遜讓有

行義者平帝紀元始元年舉敦厚能直言者後漢書獨行謙有玄傳亦作敦樸則敦樸敦厚非有二事且亦不始於東京矣有

道

後漢書安帝紀建光元年令舉有道之士按永初元年詔舉賢良方正有道術之士明政術達古今能直言極諫者五年

詔舉賢良方正有道術達於政化能直言極諫之士有道即有道術者

明經

見上 **寬博** 後漢書章帝紀建初元年

初舉孝廉郎中寬博有武猛

後漢書安帝紀建光元年詔舉武猛任典城者以補長相 **武猛** 後漢書安帝紀建光元年詔舉武

元年詔北邊二十二郡舉勇猛知兵法者即武猛也

治劇

見上 **此皆名自命而號自定**

史記晉世

家師服日名自命也物自定也春秋繁露有深察名號篇

羣臣所當盡情竭慮稱君詔也今

則不然令長守相不思立功

漢書郊祀志太誓曰正稽古立功立事可以永年不天之律

貪

殘專恣

漢書鮑宣傳云公卿守相貪殘成化楚元王傳劉向云尹氏世卿而專恣又云二世委任趙高專權自恣

不

奉法令侵冤小民

漢書百官公卿表顏師古注引漢官典職儀云刺史以六條問事其二條云二千石不奉

詔書遵承典制倍公向私旁詔守利侵漁百姓聚斂為姦王莽傳云州牧數存問勿令有侵冤

州司不治令遠

詣闕上書訟訴

漢書于定國傳云民多冤結州郡不理連上書者交於闕廷後漢書質帝紀本初元年詔云頃

者州郡輕慢憲防競逞殘暴造設科條陷入無罪至令守闕訟前後不絕

尚書不以責三公

百官志尚

書屬少府後漢書虞詡傳詡謂諸尚書曰小人有怨不遠千里斷髮刻肌詣闕告訴而不為理豈臣下之義三公不

以讓州郡說文云讓相責讓州郡不以討縣邑說文云討治也是以凶惡狡猾

昭廿六年左傳云無助狡猾按漢時劾奏有云狡猾者蓋律令文也漢書陳湯傳弘農太守張匡坐臧百萬以上狡猾不道翟

方進傳劾紅陽侯立懷姦邪亂朝政欲傾誤要主上狡猾不道韓延壽傳公卿皆以延壽前既無狀後復誣憑典法大臣欲以

解罪狡猾不道王尊傳五官掾張輔繫獄數日死盡得其狡猾不道百萬姦臧孫寶傳劾奏立向懷姦罔上狡猾不道宣帝子

淮陽憲王傳房漏泄省中語博兄弟誣謀諸侯王誹謗政治狡猾不道皆其事也易相冤也侍中博士

諫議之官或處位歷年終無進賢嫉惡拾遺補闕之語藝文類聚四十

入引應劭漢官云侍中便繁左右與帝升降卒思近對拾遺而補闕百僚之中莫密於茲漢書司馬遷傳云不能拾遺補闕而

貶黜之憂漢書韋賢後立成傳云自傷貶黜父爵詩蓼莪鄭箋之猶是也羣僚舉士者或以頑

魯應茂才論衡命祿篇云頑魯而典城以桀逆應至孝後漢書安帝紀永初五年詔舉至孝與眾

卓異者桓帝紀延熹二年詔曰桀逆梟夷孔融傳云劉表桀以逆放恣按說文云傑倣也並不順也桀逆即傑並假借字

以

貪饕應廉吏

說文云饕貪也文子上義篇云貪饕多欲之人殘賊天下

以狡猾應方正以諛

諂應直言以輕薄應敦厚

漢書酷吏尹賞傳云輕薄少年

以空虛應有道

論衡量知

篇云空虛無德後漢書第五論傳云以空虛之質當輔弼之任

以器闇應明經

闇當作瘖晉語胥臣曰器瘖不

可使言韋昭注口不道忠信之言為器瘖不能言者

以殘酷應寬博以怯弱應武猛以愚

頑應治劇名實不相副

漢書王莽傳云名實不副

求貢不相稱

抱朴子審舉篇云靈獻之

世臺閣失選用於上州郡輕貢舉於下故時人語曰舉秀才不知書察孝廉父別居寒素清白濁如泥高第良將怯如雞觀節信所言則非獨靈獻時為然矣富者乘其材力材當作財漢書貨殖傳序云以財力相君貴者阻其

勢要

呂氏春秋誠廉篇高誘注阻依也

以錢多為賢以剛強為上

漢書貢禹傳云俗皆曰何

以孝弟為財多而光榮何以禮義為史書而仕宦何以謹慎為勇猛而臨官故黥劓而髡鉗者猶復攘臂為政於世行雖犬彘家富執足目指氣使是為賢耳凡在位所以多非其人而官聽所以數亂荒也

王侍郎云官聽疑是官職繼培按作職是也上云官無廢職位無非人此承其文言之漢書景帝紀後二年詔曰其令二千石

各修其職不事官職耗亂者丞相以聞請其罪于定國傳云二千石選舉不實是以在位多不任職又云勉察郡國守相羣牧非其人者後漢書和帝紀永元五年詔曰在位不以選舉為憂督察不以發覺為負非獨州郡也是以庶官多非其人下民被奸邪之傷史記夏本紀云非其人居其官是謂亂天事

古者諸侯貢士一適謂之好德載適謂之尚賢三適謂之有功則加之賞其不貢士也一則黜爵

載則黜地三黜則爵土俱畢附下罔上者死附上罔下者

以上六字

舊刑與聞國政而無益於民者斥在上位而不能進賢者逐

古者

諸侯以下木武帝元朔元年有司奏議見漢書本紀事詳尚書大傳附下罔上四語說苑臣術篇以為秦誓文斥作退

其

受事而重選舉審名實而取疑賞罰也如此故能別賢愚而獲

多士詩文王云濟濟多士成教化而安民氓漢書董仲舒傳云古者修教訓之官務以德善化民今世

廢而不修民以故三代於世皆致太平聖漢踐祚祚當作

踐陣篇禮有武王載祀四八而猶未者未者舊作者未按新書數靈教

不假當作而功不考賞罰稽而赦贖數也諺曰曲木惡直繩重

罰惡明證鹽鐵論鹽鐵鉞石篇云語曰五盜執一良人枉木惡直繩申韓篇云曲木惡直繩姦邪惡正法韓非子有

度篇云繩直而枉木斲此羣臣所以樂總猥而惡考功也夫聖人爲天口

賢人爲聖譯譯疑當作鐸法言學行篇云天之道不在仲尼乎仲尼駕說者也不在茲儒乎如將復駕其所說則

莫若使諸儒金口而木舌金口木舌鐸也論語云天將以夫子爲木鐸皇疏云鐸用銅鐵爲之若行武教則用銅鐵爲舌若行

文教則用木舌謂之木鐸是故聖人之言天之心也賢者之所說聖人之意

也先師京君漢書楚元王傳劉歆移書太常博士云至孝武皇帝然後鄒魯梁趙頗有詩禮春秋先師顏師古注

前學之師也睦孟傳稱科察考功漢書京房傳云房奏考功課吏法晉灼曰令丞尉治一縣

崇教化亡犯法者輒遷有盜賊滿三日不覺者則尉事也令覺之自除二尉負其辜率相准如此法以遺賢俊漢書

元帝紀初元元年詔曰延登賢俊太平之基必自此始毛詩南山有臺序云得賢則能爲邦家立太平

之基無爲之化必自此來也詩卷阿鄭箋云孔子曰無爲而治者其舜也與恭己正南面而已言

任賢故逸也 是故世主不循考功而思太平此猶欲舍規矩而爲方

圓欲字當在爲上管子法法篇云倍法而治是廢規矩而正方圓也韓非子姦劫弑臣篇云若無規矩而欲爲方圓也必不

幾矣無舟楫而欲濟大水管子七法篇云不明於計數而欲舉大事猶無舟楫而欲經於水險也商子弱

民篇云濟大川而無船楫雖或云縱然不知循其慮度之易且速也知當

文選王褒四子講德論云膺騰撇波而濟水不如乘舟之羣僚

師尹咸有典司文選班固西都賦云各有典司各居其職以責其效百郡于縣

各因其前以謀其後辭言應對各緣其文以程本其實則奉

職不解讀爲而陳言者不得誣矣韓非子主道篇云羣臣陳其

其功功當其事事當其言則賞功不當其事事不當其言則誅

明君之道臣不陳言而不當備內篇云偶三五之驗以責陳言

之實執後以應前按法書云賦納以言明試以功車服以庸誰

能不讓誰能不敬應書皋陶謨今書賦作敷試作庶僖廿七年

左傳趙衰引夏書與此同能今並作敢無

下誰 此堯舜所以養黎民而致時雍也 書堯

思賢第八

國之所以存者治也其所以亡者亂也人君莫不好治而惡亂

樂存而畏亡然嘗觀上記 呂氏春秋務本篇云嘗試觀上古 近

古以來亡代有三穢國不數 穢當作滅賢難篇云三代之以覆

食貨志彭吳穿穢貂朝鮮史記平準書作彭吳賈滅朝鮮誤正

類此呂氏春秋安死篇云亡國不可勝數高誘注不可勝數亡

也 國多 夫何故哉 故字舊脫 察其敗皆由君常好其所亂而惡其

所治憎其所以存而愛其所以亡 治要以作與亂治上並有以

董仲舒傳云人君莫不欲安存而惡危亡然而政亂國危者 是

甚眾所任者非其人而所由者非其道是以政日以仆滅也 故 據治 雖相去百世懸年一紀 續漢書律歷志劉昭注引樂叶

要補 雖相去百世懸年一紀 圖徵云天元以甲子朔旦冬至

日月起於牽牛之初右行二十八宿以考王者終始或盡一其

歷數或不能盡一以四千五百六十為紀甲寅窮宋均曰紀即

元也四千五百六十者五行相代一終之大數也王者即位或過其統或不盡其數故一共以四千五百六十為甲寅之終也

王者起必易元故不限隔九州新語道基篇云九州絕隔殊俗千里晏子春秋問上

復古前而終言之也云古者百里而異然其亡徵敗迹韓非子有亡徵篇若重規襲矩爾雅釋山

郭璞注襲亦重稽節合符孟子云若合符節禮記儒行鄭注稽猶合也故曰雖有堯舜之美

必考於周頌荀子非相篇云欲知上世則審周道淮南子精神訓高誘注考觀也雖有桀紂之惡

必譏於版蕩並詩大雅版今作板爾雅釋訓作版禮記玉藻鄭注幾猶察也譏與幾同殷鑒不遠在

夏后之世詩蕩夫與死人同病者不可生也與亡國同行者不可

存也韓非子孤憤篇文豈虛言哉老子云古之所謂曲則全者豈虛言哉何以知人之舊

且病也以其不嗜食也何以知國之將亂也以其不嗜賢也文

微明篇云人之將疾也必先不甘魚肉之味國之將亡也必先惡忠臣之語是故病家之廚說文云廚庖屋

也非無嘉饌也乃其人弗之能食故遂於死也亂國之官非無

賢人也其君弗之能任故遂於亡也

兩於字治要無按定四年左傳云若楚之遂亡君之

亡也荀子正論篇云國雖不安不至於廢易遂亡謂之君說苑建本篇云民怨其上不遂亡者未之有也齊策蘇秦曰中山干

乘之國也而敵萬乘之國三再戰比勝此用兵之上節也然而國遂亡皆遂亡連文之證

夫生餘杭梁

爾雅釋言

釋文引字林云餅飯食也玉篇以餅為俗飯字生飯未詳鹽鐵論散不足篇云豆羹白飯藜膾熟肉生飯或白飯之誤

旨

酒甘醪所以養生也

莊子有養生主篇淮南子秦族訓云肥肌膚充腸腹供嗜慾養生之末也

而病

人惡之以為不若菽麥糠糟欲清者

欲當作飲楚辭招魂云挫糟凍飲耐清涼些王逸注

凍冰也此其將死之候也尊賢任能信忠納諫所以為安也而闇

君惡之以為不若姦佞聞其讒諛之

舊脫言者漢書李尋傳云諸

進此其將亡之徵也

舊脫也字据何本補治要載尹文子曰凡國之將存亡有六徵韓非子亡徵篇云亡

徵者非日必亡言其可亡也

老子曰夫唯病病是以不病易稱其亡其亡繫

于苞桑

否九五

是故養壽之士先病服藥養世之君先亂任賢是

以身常安而國永永也

兩永字有誤程本作國脈永按脈字疑非是素問四氣調神大論云聖人不治

已病治未病不治已亂治未亂淮南子說山訓云良醫者常治無病之病故無病聖人者常治無患之患故無患

上醫

醫國其次下醫醫疾

下醫二字衍晉語醫和曰上醫醫國其次疾人

夫人治國固治身

之象

呂氏春秋審分覽云夫治身與治國一理之術也後漢書崔駰後實傳政論云為國之法有似理身

疾者身

之病亂者國之病也身之病待醫而愈國之亂待賢而治

韓詩外傳

三傳曰太平之時無瘠癯跛眇危蹇侏儒折短父不哭子兄不哭弟道無襁負之遺育然各以其序終者賢醫之用也故安止平正除疾之道無他焉用賢而已矣治身有黃帝之術

治世有孔子之經

白虎通五經篇云孔子定五經以行其道

然病不愈而亂不治者

非舊作唯鍼石之法誤

鍼石治要作炙鍼素問血氣形志篇云形樂志苦病生於脈治之以炙刺形樂志樂

病生於肉治之以鍼石入正神明論云凡刺之而五經之言誣法必候日月星辰四時入正之氣氣定乃刺之

也乃因疑之者非其人苟非其人

易繫辭下傳云苟非其人道不虛行

則規不圓

而矩不方繩不直而準不平

呂氏春秋分職篇云為圓必以規為方必以矩為平直必以準繩

鑽鑿不得火

說文云鑿陽鑿也論語云鑽燧改火燧與鑿同

鼓石不下金

論衡量知篇云銅錫未採

在眾石之間工師鑿掘鑿橐鑄鑠乃成器未更鑄橐名曰積石積石與彼路畔之瓦山間之礫一實也昭廿九年左傳云遂賦

晉國一鼓鐵以鑄刑鼎杜注令晉國各出功力共驅馬不可以

追速進舟不可以涉水也

驅馬進舟舊作金馬士舟据治要改鑽鼓驅進同類

凡此八者

天之張道

張謂張著漢書王莽傳云事勢張見

有形見物苟非其人猶尙無功則

易乾象曰時乘六龍以御

又况乎懷道術以撫民氓乘六龍以御天心者哉

易乾象曰時乘六龍以御

天夫治世不得真賢譬猶治疾不得真藥也

真藥舊作良醫据治要意林改御覽

數引治疾當得

舊脱据何本補

真人參

說文云蔓人蔓藥艸出上黨參為蔓之借

反得支羅

服意林及御覽七百卅九九百九十一羅服字皆從艸作無支字御覽九百八十引正論云理世不得真賢猶治病無真藥

支蘿菴即蘿菴根也

當得麥門冬反得烝穡麥

得字舊脱据御覽七百卅

九補穢舊作橫按證類本草六引陶隱居云根似穢麥故名麥門冬今據改下同

已而不能以稱明詔是其例

藥之於天下之有病者而藥之周禮疾醫以五味五穀五藥養其病鄭注其治合之齊則存乎神農子儀之術云釋文合如字

又音病以侵劇說文云侵漸進也漢書哀帝紀贊曰即位痿痺

侵師古注稍侵言漸篤也又云上因納謂丹曰吾病寢加師古

注寢漸也藝文志論醫經云拙者失理不自知為人所欺也乃

反謂方不誠而藥皆無益於療病舊脫療字據御覽七百卅九

療因棄後藥而弗敢飲御覽作弗敢復飲而便御覽作更求巫覡者雖死可

也楚語云民之精爽不攜貳者則明神降之在男曰覡在女曰

拘於鬼神者不可與言至德惡於鍼石者不可與言至巧病不

許治者病必不治新語資質篇云衛人有病將死者扁鵲至其

家欲為治之病者之父退而不用乃使靈巫求人君求賢下應

福請命對扁鵲而祝病者卒死靈巫不能治也

以鄙與直不以枉己不引眞受猥官之

與眞以下文有脫誤王先生云大意言人君求

賢與直下應以鄙與枉己不識眞猥受官之耳慎倒脫誤遂不可讀繼培按此卽漢書董仲舒傳所云賢不肖渾微未得其眞也

國以侵亂不自知爲下所欺也乃反謂經不信而賢皆無益

於救亂因廢眞賢不復求進

呂氏春秋疑似篇云惑於似士者而失於眞士

更任俗吏

以上文例之當作而更任俗吏者漢書賈誼傳云移風易俗使天下同心而鄉道類非俗吏之所能爲也雖滅亡可

也管子八觀篇云離本國徙都邑亡也有者異姓滅也三代以下皆以支羅服烝穢麥合

藥病日疢而遂死也

小爾雅廣名云疾甚謂之疢疢與疢同

書曰人之有能使循

其行國乃其昌

書洪範今書作人之有能有爲使羞其行而邦其昌史記宋世家邦亦作國避高祖諱也循當

作修修羞聲相涉而誤藝文類聚六十二引後漢李尤雲臺銘云人修其行而國其昌其證也

是故先王爲官擇人

淮南子秦族訓云英俊豪傑各以小大之材處其位得其

宜功加於民

舊作人据治要改德稱其位

荀子富國篇云德必稱位人謀鬼謀百姓

與能

易繫辭下傳

務順以動天地如此

繫辭上傳云言行君子之所以動天地也

三代開

國建侯

三代忠貴篇作五代本傳注云謂唐虞夏商周也易屯初九利建侯師上六開國承家

所以傳嗣

百世

治要傳上有能字

歷載千數者也

史記高祖功臣侯年表序云尙書有唐虞之侯伯歷三代十有

餘載自全以蕃衛天子

自春秋之後戰國之制將相

舊

權臣必以親家子

非相篇云婦人莫不願得以爲夫處女莫不願得以爲士棄其親家而欲奔之者比肩而起親謂父母家謂夫也漢時則以親

家爲親戚通稱後漢紀明帝永平元年東海王彊薨詔諸王京師親家皆詣東海奔喪後漢書東海王彊傳稱親戚是其證也

後漢書馬皇后紀諸姬主朝請列女傳作諸王親家朝請又郭皇后紀云后弟況遷大鴻臚帝數幸其第會公卿諸侯親家飲

燕寶皇后紀云年六歲能書親家皆奇之後漢紀章帝建初三年寶憲兄弟親幸自馬氏侯及王主親家莫不畏憚續漢書禮

儀志載上陵儀有百官四姓親家婦女後漢書應奉傳章懷注引汝南記云親家李氏

皇后兄弟主壻外

孫年雖童妙

妙讀爲眇書顧命云眇眇予末小子魏志陳思王植傳上疏求自試云終軍以妙年使越妙亦眇之

借未脫桎梏

王先生云易蒙九二發蒙利用刑人用脫桎梏周禮大司寇疏引鄭注木在手曰桎在足曰梏又大

畜九四童牛之告李氏集解引虞翻曰告謂以木楛其角侯果
曰楛楛也以木爲之橫施其角止其觚之威也書費誓今惟淫
舍牝牛馬正義稱鄭注以牝爲桎桎之楛施楛於牛馬之腳使
不得走佚詳稽經訓並以桎楛爲拘囚之具因而凡就拘制者
皆謂之桎楛故學校謂之校荷校亦謂之校取義木囚亦其例
也童蒙情識未定宜用防閑故脫桎楛則吝此云未脫桎楛正
言不離童幼耳未可以關木

由 字誤 **藉此官職功不加民澤不被**

下 毛詩車轡序云 **而取侯** 漢書李廣傳云諸安校尉已下材能

德澤不加於民 **而取侯** 不及中以軍功取侯者數十人又云

廣之軍吏及士卒或取封侯而取侯不多受茅土 獨斷云天子

辭疑侯上脫封字或云取侯當爲列侯 **多受茅土** 太社以五色

土爲壇皇子封爲王者受天子之社土以所封之方色東方受

青南方受赤他如其方色苴以白茅授之各以其所封方之色

歸國以立社故謂之受茅土漢興以皇子封爲王者得茅土其

他功臣及鄉亭他姓公侯各以其戶數租入爲限不受茅土亦

不立社也 **又不得治民效能以報百姓虛食重祿素餐尸位** 京師篇

云有能然後居其位德加於人然後食其祿漢書朱雲傳云今

朝廷大臣上不能匡主下無以益民皆尸位素餐論衡量知篇

云文吏空胸無仁義之學居位食祿終無以效所謂尸位素餐

者也素者空也空虛無德食人之祿故曰素餐無道藝之業不

曉政治默坐朝廷不能言而但事淫侈坐作驕奢破敗而不及

傳世者也史記十二諸侯年表序云諸侯恣行淫侈不軌漢興

亂大者叛逆小者不軌於法以危其命殞身亡國破敗上疑脫此以二字子產有言未能操刀而使

之割其傷實多襄卅一年左傳是故世主世舊作也何之於貴戚也愛

其嬖媚之美不量其材而授之官授舊作受漢書董仲舒傳云量材而授官不使立

功自託於民而苟務高其爵位崇其賞賜齊語云勸之以賞賜趙策左師觸警見太

后曰今媼尊長安君之位而封之以膏腴之地多予之重器而不及今令有功於國一旦山陵崩長安君何以自託於趙此文

本令結怨於下民漢書李尋傳云縣罪於惡韓非子亡徵篇云

寓言篇云無所縣其罪郭注縣係也漢書陳湯傳云宜以時解

縣通籍孟康曰縣罪未竟也如言縣罰也按縣罪於以下當有

二字與下民對此文大意與忠貴篇末段相同彼云下自附於民氓上承順於天心此惡字蓋即天心之誤志氏姓篇於諸侯

無惡晉語作諸侯積過既成豈有不顛隕者哉後漢書馮衍傳云社稷顛隕按

無二心亦一證

墮亦作殞 隗囂傳云妻子顛殞 鄧析
子轉辭篇云終顛殞乎混冥之中 此所謂子之愛人傷之而

已哉 襄卅一年左傳 先王之制官民必論其材論定而後爵之位定然

後祿之 禮記王制云凡官民材必先論之論辨然後使之任事然後爵之位定然後祿之 人君也此君

不察 文有脫誤賢難篇云時君俗主不此察也此蓋同於彼或當云人君世主不察 而苟以親戚色官

之人典官者 色舊作邑按墨子尚賢中篇云王公大人有所愛其色而使其心不察其知而與其愛是故不能治

百人者使處乎千人之官不能治千人者使處乎萬人之官此其故何也日若處官者爵高而祿厚故愛其色而使之焉色官

本於 譬猶以愛子易御僕 詩出車毛傳僕夫御夫也 以明珠易

瓦礫 呂氏春秋樂成篇云民聚瓦礫淮南子精神訓云視珍寶珠玉猶石礫也 雖有可愛好之情然

而其覆大車而殺病人也必矣書稱天工人其代之 舉陶 傳曰

夫成天地之功者未嘗不蕃昌也 功舊作力按鄭語史伯曰夫成天地之大功者其子孫未

嘗不章本書忠貴篇亦云成天地之大功者 由此觀之世主欲

未嘗不蕃昌也閔元年左傳云其必蕃昌

無功之人而彊富之則是與天鬪也使無德況之人爾雅釋詁云况賜也

況與况同漢書武帝紀元封元年詔曰遭天地况施應劭曰况賜也管子四時篇云求有德賜布施於民者而賞之德况猶言

德與皇天鬪而欲久立自古以來未之嘗有也按漢書鮑宣傳宣上書言陛下

上為皇天子下為黎庶父母奈何獨私養外親與幸臣董賢多賞賜以大萬數非天意也又言汝昌侯傳商亡功而封官爵乃

天下之官爵取非其官官非其人而望天悅民服豈不難哉又言董賢但以令色諛言自進賞賜亡度竭盡府藏豈天意與民

意天不可久負厚之如此反所以害之也宜為謝過天地解讎海內云云此篇大旨與彼同

本政第九

凡人君之治莫大於和陰陽漢書董仲舒傳云天道之大者在陰陽魏相傳云陰陽者壬事之本

羣生之命自古賢聖未有不繇者也又云願陛下選明經通知陰陽者四人各舉一時時至明言所職以和陰陽元帝紀初元

三年詔曰蓋聞安民之道本繇陰陽成帝紀陽朔二年詔曰昔在帝幸立義和之官命以四時之事令不失其序故書云黎民

於變時雍明以陰陽者以天為本天心順則陰陽和天心逆則陰陽為本也

陰陽乖天以民為心民安樂則天心順漢書鮑宣傳云天人同心人心說則天意解矣

民愁苦則天心逆民以君為統君政善則民和治君政惡則民

冤亂君以恤民為本恤民二字疑誤按文義當云得臣方與下合臣忠良則君政善

臣姦枉則君政惡以選為本以選上脫二字選舉實則忠賢進選虛偽

則邪黨貢選以法令為本法令正則選舉實法令詐則選虛偽

法以君為主君信法則法順行君欺法則法委棄君臣法令之

功必効於民故君臣法令善則民安樂民安樂則天心慰慰舊作惣

据程本改下同按惣俗總字見廣韻一董天心慰則陰陽和陰陽和則五穀豐五穀

豐而民眉壽詩七月毛傳云眉壽豪眉也民眉壽則興於義興於義而無姦

行無姦行則世平而國家寧社稷安而君尊榮矣漢書魏相傳云君動靜以

道奉順陰陽則日月光明風雨時節寒暑調和三者得敘則災害不生五穀熟絲麻遂艸木茂鳥獸蕃民不天疾衣食有餘若

是則君尊民說上下亡怨政教不違禮讓可與按相所云大指本於董仲舒張湯後安世傳相上封事云朝廷尊榮天下鄉風

是故天心陰陽君臣民氓善惡相輔至而代相徵也夫天者國

之基也天當作民述赦篇云貞良善民惟國之基救邊篇云國以民為基皆其證也漢書谷永傳云王者以民為基

君者民之統也臣者治之材也工欲善其事必先利其器漢書梅福

傳云士者國之重器得士則重失士則輕故爵祿束帛者天下之砥石高祖所以厲世摩鈍也孔子曰工欲善其事必先利其

器顏師古注論語載孔子之言也工以喻國政利器喻賢才王褒傳聖主得賢臣頌云夫賢者國家之器用也所任賢則趨舍

省而功施普器用利則用力少而就效眾故工人之用鈍器也勞筋苦骨終日屹屹及至巧冶鑄干將之樸清水焯其鋒越砥

斂其弓水斷蛟龍陸剝犀革忽若芟記畫塗如此則使離婁督繩公輸削墨雖崇臺五增延袤百丈而不瀾者工用相得也此

文大指本於彼治要載桓譚新論亦云材能德行者治國之器也是故將致太平者必先調陰

陽調陰陽者必先順天心順天心者必先安其人安其人者二

字當必先審擇其人是故國家存亡之本治亂之機在於明選

作民

而已矣

漢書京房傳云任賢必治任不肖必亂必然之道也

聖人知之故以為黜陟之首

書曰爾安百姓何擇非人

呂

此先王致太平而發頌聲也

鄭氏詩譜

云周頌者周室成功致太平德洽之詩漢書楚元王傳劉向封事云欲以成太平致雅頌論衡須頌篇云天下太平頌聲作

否泰消息陰陽不竝

劉向封事云讒邪進則眾賢退羣枉盛則正士消故易有否泰小人道長君子道消

君子道消則政日亂故為否否者閉而亂也君子道長小人道消小人道消則政日治故為泰泰者通而治也觀其所

聚而興衰之端可見也

易萃彖曰觀其所聚而天地萬物之情可見矣稷高舉陶聚而

致雍熙

高即契字後漢書方術傳第五倫合班固為文薦謝夷吾曰臣聞堯登稷契政隆太平舜用皋陶政致雍熙

皇父蹶躅聚而致災異

詩十月之交

夫善惡之象千里合符百

世累迹性相近而習相遠論語是故賢愚在心不在貴賤信欺在

性不在親疎二世所以共亡天下者丞相御史也

見史記秦

高

祖所以共取天下者繒肆狗屠也驪山之徒鉅野之盜皆為名

將灌嬰樊噲黥布彭越也並見史記

由此觀之苟得其人不患貧賤苟得其材

不嫌名迹

漢書遊俠傳序云眾庶樂其名迹覲而慕之

遠迹漢元以來

漢書賈誼傳云竊跡前事

顏師古注尋前事之蹤跡迹與跡同漢元謂漢元年漢書平帝紀元始五年詔曰漢元至今律歷志云黃帝調律歷漢元年以

來用驕貴之臣每受罪誅

漢書王嘉傳云往者寵臣鄧通韓嫣驕貴失度逸豫無厭小人不勝情欲

卒陷黨與在位

管子八觀篇云請謁得於上則黨與成於下

并伏辜者

詩兩無正云既伏其辜

常十二三由此觀之貴寵之臣未嘗播授私人進姦黨也

管子明法

解云羣臣以虛譽進其黨後漢書仲長統傳昌言法誠篇云權移外戚之家寵被近習之豎親其黨類用其私人內充京師外

布列是故王莽與漢公卿牧守奪漢光武與漢之遺民棄士共

誅如貴人必賢而忠

呂氏春秋重己篇云人主貴人高誘注貴人謂公卿大夫也

賤人必愚

而欺則何以若是自成帝以降至於莽公卿列侯下訖令尉

續漢

書百官志云縣萬戶以上為令不滿為長尉大縣二人小縣一人

大小之官且十萬人皆自漢

所謂賢明忠正貴寵之臣也莽之篡位惟安眾侯劉崇東郡太

守翟義思事君之禮義勇奮發漢書陳湯傳云策慮愾億義勇奮發欲誅莽功雖

不成志節可紀漢書元后傳云莽為攝皇帝改元稱制宗室安眾侯劉崇及東郡太守翟義等惡之更舉兵欲

誅莽義見夫以十萬之計其能奉報恩奉下脫一字按救邊篇

者懷義思也此二人而已由此觀之衰世羣臣誠少賢也其官

益大者罪益重位益高者罪益深爾鹽鐵論褒賢篇云其位彌高而罪彌重祿滋厚而罪

多故曰治世之德衰世之惡常與爵位自相副也孔子曰國有

道貧且賤焉恥也國無道富且貴焉恥也論語國俱作邦此避高祖諱列女傳柳下

惠妻傳亦作國詩傷皎皎白駒在彼空谷白駒巧言如流俾躬處休雨無正

蓋言衰世之士志彌潔者身彌賤佞彌巧者官彌尊也方以類

聚物以羣分易繫辭上傳同明相見同聽相聞惟聖知聖惟賢知賢

分聞賢嶺韓詩外傳五云同明相見同音相聞問志相從非賢者莫能用賢漢書元后傳成帝謂王章曰惟賢知賢君試爲朕求可以自輔者魏志杜襲傳襲曰夫惟賢知賢惟聖知聖蓋本此

今當塗之人既不能詔練賢

鄙然又卻於貴人之風指

風指有二義漢書何武傳云大司空甄豐承莽風指顏師古注風謂風采

也指意也王莽傳云莽色厲而言之欲有所爲微見風采黨與承其指意而顯奏之風讀如字孔光傳云莽所欲搏擊輒爲草

以太后指風光令上之嚴助傳云迺令嚴助諭意風指於南越顏氏並讀風爲諷後漢書宦者傳云蔡倫受竇后風旨誣昭安

帝祖母宋貴人章帝子清河孝王傳云使小黃門蔡倫考實之皆承諷旨傳致其事西羌傳云王莽輔政欲耀威德以懷遠爲

名乃令譯諷旨諸羌使共獻西海之地皆用諷本字此風旨當讀如字却當爲劫劫與下脅字同義禮記儒行云劫之以眾鄭

注劫劫脅也劫亦作劫劫却却字形相近莊子田子方篇盜人不得劫釋文元嘉本作却誤正類此脅以權勢之

屬託

漢書鄒陽傳云脅於位勢之貴蓋寬饒傳云上無許史之屬下無金張之託顏師古注許氏史氏有外屬之恩金氏

張氏自託在於近狎也屬讀如本字按屬託同義顏說非也尹翁歸傳云徵拜東海太守過辭廷尉於定國定國家在東海欲

屬託邑子兩人佞幸滔于長傳云鳳且終以長屬託太后及帝外戚傳孝武李夫人病篤上曰夫人病甚殆將不起一見我屬

託王及兄弟後漢書竇融傳云年老子孫縱誕多不法遂交通
輕薄屬託郡縣于亂政事馬援後嚴傳云典郡四年坐與宗正
劉軼少府丁鴻等更相屬託徵拜太中大夫翟酺傳云權貴共
誣酺及尚書令高堂芝等交通屬託楊震傳云外交屬託擾亂
天下又云屬託州郡傾動大臣白虎通三綱六紀
篇論朋友云生不屬死不託分合言之其義一也
請謁闐門韓非

子入姦篇云有左右之交者請謁以為重漢書申屠嘉傳云門
不受私謁史記汲鄭列傳贊云始翟公為廷尉賓客闐門漢書

作填顏師古禮贊輻輳說文云輻輳所湊也湊輳古今字後漢
注云填滿也書郎顛傳云今選舉皆歸三司非有周

召之才而當則哲之重每有選用輒參之掾屬公府門巷賓客
填集送去迎來財貨無已其當選者競相薦謁各遣子弟充塞

道路開長姦門與致浮禮記大傳云
僞非所謂率由舊章也迫於目前之急則且先之禮記大傳云
聖人南面而

聽天下所且先者五鄭禮記大傳云
注且先言未遑餘事此正士之所獨蔽而羣邪之所黨進也

周公之為宰輔也以謙下士故能得真賢鹽鐵論刺復篇云昔
周公之相也謙卑而

不鄰以勞天下之士是以俊父滿朝賢鹽鐵論刺復篇云昔
智充門事詳說苑敬慎篇及尊賢篇禮記大傳云
祁奚之為大夫也舉讎

薦子故能得正人襄三年
左傳今世得位之徒依女妹之寵以驕士

韓非子詭使篇云女妹私義之門不待次而宦藉亢龍之勢以陵賢後漢書云陰興光烈皇后母弟也帝

欲封之興因讓貴人問其故興曰貴人不讀書記耶亢龍有悔夫外戚家苦不知謙退嫁女欲配侯王取婦眄公主愚心實

不安而欲使志義之士匍匐曲躬以事已毀顏諂諛以求親然

後乃保持之漢書元后傳王鳳云御史大夫音謹勅臣敢以死保之楚元王後向傳上數欲用向為九卿輒不為

王氏居位者及丞相御史所持故終不遷顏師古注持謂扶持佐助也荀子解蔽篇云鮑叔甯戚陞朋仁知且不蔽故能持管

仲而名利福祿與周公齊楊倞注持扶翼也晉書山濤傳云時人而名利福祿與周公齊楊倞注持扶翼也晉書山濤傳云時人

欲危裴秀濤正色保持之石鑿傳云時大司馬汝南王亮為太傅楊駿所疑有告亮欲舉兵討駿鑿以為不然保持之則

貞士採薇凍餒伏死巖穴之中而已爾豈有肯踐其闕而交其

人者哉漢書鄒陽傳云今欲使天下寥廓之士籠於威重之權脅於位勢之貴回面汗行以事諂諛之人而求親近於

左右則士有伏死堀穴巖藪之中耳安有盡忠信而趨闕下者哉

潛歎第十

凡有國之君

君下舊有者字据治要刪

未嘗不欲治也而治不世見者所任

不賢故也

漢書京房傳云任賢必治任不肖必亂

世未嘗無賢也而賢不得用者

羣臣妒也

楚策蘇子曰人臣莫難於無妒而進賢為主

主有索賢之心而無得賢之

術臣有進賢之名而無進賢之實此以人君孤危於上

秦策范雎曰小

者身以孤危

而道獨抑於下也

道下脫一字獨舊作猶据治要改

夫國君之所以致

治者公也公法行則軌亂絕

軌治要作充按本書皆作充

佞臣之所以便身

者私也私術用則公法奪

管子任法篇云法者上之所以一民使下也私者下之所以侵法亂主也

韓非子詭使篇本言曰所以治者法也所以亂者私也法立則莫得為私矣

列士之

舊脫据治要補

所以建

節者義也正節立則醜類代

孫侍御云代疑殆王侍郎云代當作伐與絕奪為韻繼培按說苑政

理篇孔子曰夫以不肖代賢是為奪也以賢代不肖是為代也

此姦臣亂吏無法之徒

無法治要作思

私按韓非子定法篇云臣無法則亂於下人主篇云大臣太貴所謂貴者無法而擅行操國柄而便私者也

所為

舊作

謂据治要改 日夜杜塞賢君義士之間 塞治要作隔管子明法解云人臣之力能隔君臣之間而

使美惡之情不揚聞按後漢書申屠剛傳云外戚杜咸 治要 使

不相得者也 漢書王褒傳聖主得賢臣頌云聚精會神相得益章 夫賢者之為人臣不損

君以奉佞不阿眾以取容 呂氏春秋似順覽云夫順令以取容者眾能之高誘注容悅也漢書朱建

傳云義不墮 舊作惰据治要改 公以聽私不撓法以吐剛 詩烝民云剛亦不吐撓法

見務本 其明能照姦而義不比黨 禮記儒行云讒諂之民有比黨而危之者 是以范

武歸晉而國姦逃 宣十六年左傳 華元反朝而魚氏亡 成十五年左傳 故正義

之士與邪枉之人不兩立 韓非子孤憤篇云智術之士明察聽用且矯重人之姦行故智術能法之士用則貴重之臣必在

聽用且矯重人之姦行故智術能法之士用則貴重之臣必在 繩之外矣是智法之士與當塗之人不可兩存之仇也淮南子

性相害不可兩立一置一廢 立下舊有之字而 人君之取士

也不能參聽民氓斷之聰明反徒信亂臣之說獨用汚吏之言

孟子曰暴君汚吏

此所謂與仇選使

選舊作遷据治要改

令囚擇吏者也書云謀

及乃心謀及庶人

洪範

孔子曰眾好之必察焉眾惡之必察焉

論語

故聖人之施舍也

周語王孫說曰故聖人之施舍也議之韋昭注施予也舍不予

不必任眾亦

不必專己

漢書敘傳班彪云主有專己之威後漢書陳元傳云博詢可否示不專己

必察彼己之為

治要

而度之以義

周語王孫說曰主德義而已

或舍人取己

孟子云舍己從人此反言之中

論慎所從篇云夫人之所常稱曰明君舍己而從人故其國治以安闇君違人而專己故其國亂以危乃一隅之偏說也非大道之至論也凡安危之勢治亂之分在乎知所從不在乎必從人也意與此同故舉無遺失而政

無廢滅也

見明闇篇

或君則不然

或與惑同荀子臣道篇云闇主惑君呂氏春秋知化篇云人主之惑

者則不然

己有所愛則因以斷正不稽於眾不謀於心苟眩於愛惟

言是從此政之所以敗亂而士之所以放佚者也昔紂好色九

侯聞之乃獻厥女紂則大喜

則何本作乃按則字是與下紂則大怒相應

以為天下

之麗莫若此也以問妲己妲己懼進御而奪己愛也乃偽俯而

泣曰君王年即耆邪即耆御覽四百九十四作既老按當作既耆曾子疾病篇云年既耆艾明既

衰邪何貌惡之若此而覆謂之好也紂於是渝而以爲惡詩羔裘毛

傳渝變也妲己恐天下之愈進美女者因白九侯之不道也乃欲以

此惑君王也王而弗誅何以革後紂則大怒遂脯厥女而烹九

侯淮南子倣真訓云醢鬼侯之女呂氏春秋行論篇高誘注梅伯說鬼侯之女美令紂取之紂聽妲己之譖曰以爲不好故

醢梅伯脯鬼侯過理篇注同鬼侯即九侯也史記魯仲連傳云九侯有子而好獻之於紂紂以爲惡醢九侯殷本紀又云九侯

女不意淫自此之後天下之有美女者乃皆重室晝閉禮記月令云審

門閭謹房室必重閉鄭注重閉外內惟恐紂之聞也趙高專秦

將殺二世乃先示權於眾獻鹿於君以爲駿馬二世占之曰鹿

方言云凡相竊視南楚或謂之占按說文云高曰馬也二世收

覘窺視引春秋傳公使覘之占即覘之省

竟以亡下疑脫
秦字

目獨視王侍郎云收目當作拭目收即說文摺字王先生曰獨疑屬曰丞相誤邪此鹿也高

終對以馬問於朝臣朝臣或助二世而非高高因白二世此皆

阿主惑上不忠莫大乃盡殺之自此之後莫敢正諫說苑正諫篇云諫有

五一日而高遂殺二世於望夷竟以亡見史記秦始皇紀新語辨惑篇載此事以為趙

高駕夫好之與惡效於目效舊作放按禮記曲禮效馬效羊鄭注云效猶呈見而鹿之與

馬者疑衍著於形者也新語云馬鹿之異形眾人所知也已又定矣還至讒如疑

作妒屬上讀臣妾之飾偽言而作辭也易遯九三畜臣妾吉漢書董仲舒傳云百官皆飾空言虛

辭韓非子詭使篇云造言作辭則君王失己心而人物喪我體矣况乎逢幽隱

囚人幽囚同義荀子王霸篇云公侯失禮則幽楊倞注幽囚也呂氏春秋驕恣篇云厲公游於匠麗氏樂書中行偃劫而

幽之高誘注幽囚也秦策姚賈曰管仲南陽之弊幽魯之免囚史記管晏列傳管仲曰吾幽囚受辱幽隱囚人亦猶言幽囚矣

而待校其信齊語韋昭注校考合也不若察妖女之畱意也其辨賢不肖

也不舊作必若辨鹿馬之審固也禮記射義云持弓矢審固此二物者皆得進

見於朝堂暴質於心臣矣心臣未詳程本作廷臣按後漢書班彪後固傳西都賦云左右廷中朝堂

百僚之位朝堂注詳救邊篇王先生云及歡愛苟媚佞說巧辨

之惑君也猶炫耀君目楚辭離騷云世幽昧以眩曜兮王逸注眩曜眩曜眩耀並同

象者眾人之所眩耀變奪君心便以好為醜以鹿為馬而况

於郊野之賢闕外之士未嘗得見者乎史記魏世家李克曰臣在闕門之外趙策蘇秦

說李兌曰造外闕願見於前夫在位者之好蔽賢而務進黨也說苑政理篇孔子曰匿人

之善者是謂蔽賢也君道篇太公曰多黨者進少黨者退是以

羣臣比周而蔽賢百吏羣黨而多姦漢書李尋傳云微言毀譽

進類蔽善自古而然漢書趙充國辛慶忌傳贊云其風聲氣俗自古而然昔唐堯之大聖也聰

明宣昭詩文王云宣昭義問虞舜之大聖也德音發聞韓非子說疑篇云眾歸而民雷之以

譽盈於國發聞於主堯為天子求索賢人訪於羣后羣后不肯薦舜而反

稱其繇之徒賴堯之聖後乃舉舜而放四子

見書堯典

夫以古聖之

質也堯聰之明也舜德之彰也君明不可欺德彰不可蔽也質

鮮爲佞而位者

位上疑脫在字

尙直若彼今夫列士之行其不及堯舜

乎達矣

達當作遠

而俗之荒唐

莊子天下篇云荒唐之言

世法滋彰

老子云法令滋彰

然

則求賢之君哀民之士其相合也亦必不幾矣

幾讀爲冀

文王遊畋

遇姜尙於渭濱察言觀志而見其心不諮左右不諏羣臣遂載

反歸

見六韜注詳卜列篇

委之以政用能造周

宣十五年左傳羊舌職曰士伯庸中行伯君信之亦

庸士伯此之謂明德矣文王所以造周不是過也

故堯參鄉黨以得舜文王參己以得

呂尙

說苑尊賢篇云堯舜相見不違桑陰文王舉太公不以日久故賢聖之接也不待久而親能者之相見也不待試而

知矣豈若殷辛秦政

晉語云殷辛伐有蘇韋昭注殷辛殷紂也漢書賈山傳云秦政力并萬國富有天下按政

始皇

既得賢人反決滯於讎

決滯猶言去畱周禮厘人注鄭司農云貨物沈滯於厘中不決按決

則不滯義相覆也或云決卽沈之誤周語云氣不沈滯韋昭注沈伏也滯積也後漢書崔駰傳達旨云胡爲嘿嘿而久沈滯也誅殺正直而進任姦臣之黨哉是以明聖之君於正道也不專

驅於貴寵惑於嬖媚不棄疏遠不輕幼賤又參而任之管子七法篇云

論功計勞未嘗失法律也便辟左右大族尊貴大臣不得增其功焉疎遠卑賤隱不知之人不忘其勞漢書翼奉傳云古者朝廷必有同姓以明親親必有異姓以明賢賢此聖王之所以大

通天下也同姓親而易進異姓疎而難通故同姓一異姓五迺

謂參而任之也故有周之制也天子聽政使三公至於列士

獻典治要作詩按周語云使公卿列士獻詩瞽獻曲曲或誤爲典王氏所用國語本與韋昭不同未敢據彼以補此也

良史獻書周語無良字師箴瞽賦矇誦百工諫庶人傳語近臣盡規

親戚補察瞽史舊作教誨耆艾修之而後王斟酌焉是以事行

而無敗周語作不悖也末世則不然易繫辭下傳云其當殷之末世徒信貴人驕如

之議獨用苟媚治要作宿媚按苟媚亦見上文蠱惑之言行豐禮者蒙僣咎僣俗

愆字見廣韻二仙論德議者見尤惡於是諛臣說苑臣術篇云偷合苟容與主爲樂不顧其後

害如此者諛臣也治要漢書哀帝紀云除誹謗詆欺法被以

諛臣下有佞人二字又從以詆訾之法漢書嚴安傳云此民之始苦也文

議上之刑此賢士之始困也與此同治要始作迺迺遇也義亦

可夫詆訾之法者伐賢之斧也而驕妬者治要作驕妬之臣噬賢之狗

也即賢難篇所云羣犬齧賢一切經音義一引三蒼云噬齧也人君內秉伐賢之斧權噬賢

之狗權如權兵之權注見勸將篇而外招賢以上九字治要作欲其至也治要

至下有理不亦悲乎

字蓋誤

潛夫論卷第二終

思賢講舍校利